




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5915/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5915/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5915/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5915/A


5915/A

K

N. vi

17/s





TR

DE

ALT

AB A

piu

New

dag

AN

Vip

Apud

71008

TRACTATVS DE SVLPHVRE

ALTERO NATVRÆ

PRINCIPIO,

AB AVTHORE EO, QVI ET
primum conscripsit principium.

*Non nobis Domine non nobis, sed nomini tuo
da gloriam.*

5. 10. 15. 6. 7. 13. 8. 11. 14. 3. 9. 1. 2. 4. 12. 16. 17. 18.
ANGELVS DOCE MIHI IVS.

Michael Sencivogius.
Vt possim dyjudicare inter verum & falsum.



COLONIAE,

Apud Ioannem Crithium sub signo galli.

ANNO M. D. CXVI.

Lib. VIII 441781



PR
a



canon
m
br
m
ide
m
gu
ad
re
m
S
p
m
J
s
n
t
r

AVCTORIS
PRÆFATIO
ad Lectorem.

Cum mihi non liceat Lector beneuole, apertius quàm alij veteres Philosophi scripserunt, scribere: fortasse scriptis meis non eris contentus. Præsertim cum tot Philosophorū libros alios præ manibus habeas; sed crede, nec mihi etiam libros conscribere opus est, quia ex illis nec commodum, nec vanā ostentationem quaero, ideo nec quis sum, euulgare cupio. Ea quæ tuæ utilitati iam in publicum tradidi, magis quàm satis esse mihi videbatur, reliqua ad Harmoniam, ubi de rebus naturalibus copiosè proposui, releganda destinavi: attamen hortatu amicorū, & hunc tractatū de Sulphure conscribere debui, in quo an ad priora addere aliquid opus est, nescio, imò neque hic etiam si tibi tot Philosophorum scripta non satisfaciunt, satisfaciet; Et maxime si tibi quotidiana operatio naturæ nō satis exempli est, nulla exempla iuuabunt: nam si ista quomodo natura operatur maturo iudicio cōsiderares, non opus haberes tot Philosophorum volumina, quoniā meo

Præfatio

iudicio melius est ab ipsa magistro Natura, quam à discipulis discere. Satis in præfatione libelli 12. Tractatum, tum & primo tractatu ibidem habes, quod in arte ista tot & tanti libri reperiuntur, ut iā inquirentes magis impedian, quam iuuent, & ita esse videtur, quoniam scripta Philosophorum ex tam parua schedula Hermetis, in tam magnum labyrinthum maxime erroneū excreuerunt, & in dies ad Eclipsim declināt; Et hoc non nisi ab inuidis scientibus factū esse credo, cum ignorās nescit quid addi vel subtrahi debeat, nisi forte auctoris manus non bene legi possit. Si in aliqua scientia multum iuuat aut nocet, si unum verbū deest, vel superat, illud maxime in ista.

Ad exemplum: scriptum est in loco uno: postea has aquas simul misceas, alter addidit (non) parum quidem addidit, & nihilominus totū caput contrarium fecit. Studiosus tamen diligens sciat apē etiam ex venenosis herbis, mel colligere; si enim ad possibilitatē naturæ lectionē dirigit, facile Sophismata separabit, & tamē legere non desinat, quia liber librum aperit. Sed ego ita intellexi, quod libri Geberi, Philos. & quis scit si non & aliorum Auctorū, veneficiis

ad Lectorem.

ficis maximis incantati sunt, ita, ut nullo modo possint nec debeant intelligi, nisi millesima lectione, & hoc ab ingenioso lectore? (fatui plane ab illorum lectione excluduntur.) Sunt quidem multi qui illum, sicuti & alios Autores interpretantur, sed video explicationem esse difficiliorē textu. Meum consilium est ut in textu maneas, & quicquid legis, omnia ad possibilitatem naturæ applices, & quid sit natura in primis perquiras. Omnes quidem scribunt, quod res est vilis facilis, communis, & verū quidem est, sed adiungendum fuit, Scientibus. Sciens & inter stercora illam cognoscit, & ignorans etiam in auro illam esse non credit; & hi omnes qui eiusmodi libros obscuros composuerūt, si artē nescirēt sed ex eiusmodi libris (qui quidē verissimi sunt) artē quarere deberent, illam difficilius inuenirent, quā moderni inquisitores inueniunt : ego mea scripta laudare nolo, ille iudicabit, qui illa ad possibilitatem & cursum naturæ applicabit; & si ex meis scriptis, consilijs, & exemplis, operationē naturæ, & ministros eius, spiritus vitales aerem constringentes, tum & subiecti^{um} primæ materiæ cognoscere non poterit, vix ex Raimundo Lullo ins-

Præfatio

relliget: difficile enim est credere, Spiritus habere tantam potentiam in ventre vèti. Hanc syluam & ego transire coactus sum, & illam quoq; multiplicare iuui, talitame modo, quod meæ plāte veris filijs artis, & huius S. Scientiæ studiosis, per syluam hāc transire volentibus, in signa & quasi lumen ac duces esse debeant; sunt enim meæ plantæ quasi spiritus corporales. iam enim secula præterierunt, ubi confidentia amicorum floruit; & hac scientia ore tenus dabatur, iam non nisi à solius Altissimi Dei inspiratione acquiritur, ideo non desperet diligens ac Deum timens inquisitor. Si illam quæret, inueniet, quoniam facilius à Deo quàm ab homine impeiratur: ille enim est immensæ misericordiæ Deus, qui nescit fidentē deserere, apud illum non est respectus personarū, cor contritum & humiliatum non despiciet, qui & mei, eius Creaturarum indignissimi, misertus est, cuius potētiam, bonitatē, inexplicabilem misericordiā, quam mihi ostendere dignatus est, explanare non sum sufficiens. At si non alias grates dare possum, calamo saltem nō desinam temporibus porrigere ista. Sis ergo bono animo Lector candide, & tibi quoque hanc gratiam non dene-

ad Lectorem.

denegabit, si in illo spem integrā posueris. illum adorabis & inuocabis, ille tibi aperiet naturæ ianuam, ibi videbis quomodo natura simplicissime operatur. Scias pro certo, quod natura simplicissima est, nec delectatur nisi in simplicitate; & crede mihi quicquid in natura nobilius est, eò etiam & facilius, ac simplicius; quoniā omnis veritas simplex est. Deus altissimus conditor rerum, nihil difficile posuit in natura, si igitur vis esse imitator naturæ, tibi suadeo ut in simplici via maneas naturæ, & omnia bona inuenies. Quod si verò tibi nec mea scripta, nec consiliū placet, ad alios Autores ito. Propterea ego nō magna volumina scribo, ut in illa non multū expendas, citoque perlegere possis; ut tibi sit ad alios Autores recurrendū tempus, & querere non desinas, pulsanti enim aperietur. Iā etiā illa tēpora adueniūt, in quibus arcana multa naturæ reuelabuntur. Iā illa Monarchia quarta Borealis incipere habet. Iā tēpora appropinquāt, mater scientiarū veniet, maiora elucidabuntur, quam in his tribus præteritis Monarchiis factū est, quoniam hāc Monarchiam (ut veteres diuinarunt) plantabit Deus per unum ex Principib⁹, omnibus virtutibus ditatū, quē

Præfatio

fortasse nobis iam tempora produxerunt: Habemus enim in hac parte boreali Principem Sapientissimum ac bellicosissimum, quem nullus Monarcharum victoribus superat, humanitate ac pietate nullus excellit. In hac Monarchia Boreali, Deus omnium conditor rerum, maiora arcana sine dubio in natura elucidabit, quam illis temporibus, ubi aut Paganorum, aut Tyrannorum Principum sedes fuit. Sed has Monarchias Philosophi non secundum potentiores, sed secundum Cardines mundi numerant. In primis Orientalem, postea Meridionalem; iam vero Occidentalem habent, & ultimam Septentrionalem in hac parte Boreali expectant, de quibus in Harmonia dabitur. In hac Septentrionali attractiva polari Monarchia, ut Psalmista ait: Misericordia & veritas obuiabunt sibi, pax & iustitia osculabuntur; Veritas de terra orietur, & iustitia de cœlo prospiciet. Vnum ouile, & unus pastor. Scientia multa sine inuidia, quod & ego cum desiderio expecto. Tu quoque Candide Lector Deum inuoca, time, ama, meaque scripta diligenter lege,

ad Lectorem.

lege, & tibi certè diuinare bona. Quod
si Deo fauente, natura operante, (cuius
imitator sis) ad portum desideratum
huius Monarchiæ appuleris, tunc
videbis & iudicabis omnia
me tibi bona &
vera dixisse.


Vale.

A S

DE



^I
DE SULPHURE.
Secundo Principiorum.

 Vlpfur non est postremū inter *Principia*, quoniam illud est pars *Metalli*, imò pars principalis *Lapidis Philosophorum*, & multi Sapiētes varia & verissima de *Sulphure* reliquerunt. Imò ipse *HEBER Lib. Summæ Perfecti- onis cap. 28.* dicit: Per Deum Altissimū ipsum illuminat omne corpus, quoniam est lumen à lumine, & tinctura. Nos autem antequam de illo simus tractaturi, visum est nobis, *Primò originem principiorum* describere, præsertim cū *Sulphur* pro principali *Principiorum* antiquitus habitum est. Vnde autē *Principia* oriuntur, pauci hucusque ostenderunt, & difficile est iudicare de aliquo *Principiorum*, sicut & de quavis alia re, cuius origo & generatio ignoratur: quid enim de colore cæcus? Quod igitur antecessores nostri omiserunt, id nos in hoc *Tra- ctatu* adimplere proposuimus.

Sunt autem *Principia* rerum, præ-
fer-

sertim *Metallorum*, secundum antiquos Philosophos, Duo: *Sulphur & Mercurius*. Secundum Neotericos verò, tria: *Sal, Sulphur, & Mercurius*. Origine autem horum *Principiorum* sunt quatuor *Elementa*, de quorum etiam origine nobis imprimis incipiendum est. Sciant ergo studiosi huius S. Sciētiæ, quatuor *Elementa* esse: & quodlibet horum quatuor, habet in suo centro aliud *Elementum*, à quo elementatur, & hæc sunt quatuor *Statue Mundi*, ex *Chao* in Creatione Mundi, à Divina Sapientia separata, quæ hanc machinam Mundi per suum actum contrariū, in æqualitate & proportionem tenent, ac virtutum cælestium inclinatione omnes res infra & super terram producant, de quibus suo loco, hic ad propositum primò de propinquiore *Elemento Terra*.

DE ELEMENTO Terra.

Terra est *Elementū* satis dignū in sua qualitate & dignitate. In hoc *Elemento* alia tria, & præcipuè *Ignis* requiescunt.

escunt. Est Elementum præstantissimum ad celandum & manifestandum ea, quæ sibi concredita sunt: grossum est & porosum, graue respectu suæ paruitatis, sed leue respectu suæ naturæ: est etiam *Centrum Mundi*, tum & aliorum *Elementorum*. Per eius *Centrum* transit *Axis Mundi* vtriusque *Poli*. Est porosum, vt diximus, sicut spongia, quæ nihil ex se profert. Sed quicquid alia tria in illud stillant & proijciunt, omnia recipit, seruanda seruat, manifestanda manifestat: nihil, vt diximus, ex se profert, sed est receptaculum aliorum, & est in quo omne productum manet, ac per calorem motiuum in illo putrescit, ac per eundem, separato puro ab impuro, multiplicatur: quod graue est, in illo occultatur; & leue pellit calor in eius superficiem: est omnis seminis & cōmitionis nutrix & matrix: nihil quidē aliud præstare potest, quàm tueri semen & compositum ad maturitatem vsque. Est frigidum, siccum, tēperatur aqua: extra est visibile fixum, intus verò inuisibile & volatile. (*Virgo*) est ex *Creatione* (distillationis) *Mundi*, relictum

liſtum caput mortuum, quod aliquādo voluntate diuina calcinandū erit, poſt extractionem ſui humidi, vt ex illo noua *Chryſtallina* creari poſſit *Terra*. Diuiſum eſt etiā hoc Elementū in partē *puram*, & *impuram*. *Pura* vtitur aqua ad res producendas, *impura* verò in ſuo globo manet. Eſt hoc Elementum occultatio & domicilium omnis theſauri. In Centro eius eſt *Ignis Gehennalis*, continens hanc machinam Mundi in ſuo eſſe, & hoc per expreſſionem aquæ in aera, & accenditur Ignis ille per *primum Mobile*, atq; per influentias ſtellarum cauſatur, & accenditur: huic obuiat calor ſolaris aere temperatus, ad maturandum & adtrahendum ea, quæ iam concepta ſunt in ſuo Centro. Propterea *Terra* participat cū Igne, & eſt eius inſinſecum, nec purificatur, niſi Igne: & ſic quodlibet Elementum ſuo inſinſeco purificatur. Inſinſecum autem *Terræ* ſeu Centrum, eſt ſumma puritas, mixta Igne, vbi nihil quieſcere poſteſt: eſt enim quaſi locus vacuus, in quem alia Elementa ſuos actus proiiciunt, vt in *Libello 12. Tractatum* diſtum

dictum est : & hæc de Elemento
Terra, quam Spongiam esse dixi-
 mus , & aliorum receptaculum,
 quod ad nostrum propositum suffi-
 cit.

DE ELEMENTO
Aqua.

Aqua est Elementū grauiſſimum,
 pleniū vinctuosi phlegmatis, & est
 Elementum diguius in sua qualitate,
 extra volatile, intus verò fixum, frigi-
 dum & humidum est, temperatur a-
 cre: est sperma Mundi, in quo semen
 Omnium rerum conseruatur : est cu-
 ſtos seminis cuiuslibet rei. Sciendum
 tamen est, quòd aliud est semen, &
 aliud Sperma. Spermatidis receptaculū
 Terra est : seminis verò receptaculū
 Aqua. Quicquid in aquam stillat aer
 cauſante igne, hoc aqua porrigit ter-
 ræ. Caret interdum Sperma ſufficiēti
 ſemine, ex defectu caloris digerentis
 illud : Sperma en im ſemper eſt
 in copia, expectans ſemen, quod ex
 imaginatione ignis, per aeris motum
 portat in matricem : & interdum, de-
 ſiciēte ſemine, intrat sperma; ſed exit
 ite-

DE SULPHVRE.

5
 iterum absque fructu: de quibus ali-
 quando in tertio Principiorum, SALIS
Tractatu latius. Accidit sæpissimè in
 Natura quòd Sperma cum sufficienti
 semine matricem intrat; sed matrix
 indisposita, repleta peccantibus sul-
 phuribus, aut phlegmatibus, non cõ-
 cipit, nec fit hoc quod debuit. In hoc
 Elemēto etiam nihil propriè est, nisi
 vt in Spermate esse solet: delectatur
 maximè motu proprio, qui fit per ae-
 rem, & est miscibile rebus, propter
 superficiale corpus volatile. Est, vt di-
 ximus, receptaculum vniuersalis se-
 minis: facilè in illo terra purificatur,
 & resoluitur: & aer in illo cõgelatur,
 ac coniungitur illi. In profundo, mē-
 struū Mundi est, quod aer penetrādo,
 virtute caloris trahit secum vaporē
 calidum, qui causat generationem
 naturalē, earum rerum, quibus terra
 imprægnata est, sicut matrix; & quan-
 do matrix debitam proportionem
 seminis accepit, fit quid sit, iam pro-
 greditur, naturaque operatur sine
 intermissione vsq; ad finem; residuū
 verò humidum, seu Sperma, cadit ad
 latus, & agente calore in terram pu-
 trefit

Tr. de Sale

germ. improd.

invenitur in

appandue ad

Monte Schipder

Dit. Amsterdam

1656.

trefit illud, ad latus reiectum, & ex
 illo postea generantur res aliæ, inter-
 dū variæ bestiolę ac vermiculi. Posset
 quidem sagacis ingenij artifex in hoc
 Elemento, sicut ex spermate, varia vi-
 dere Naturæ miracula: sed opus esset
 illud Sperma accipere, in quo est iam
 imaginatum semen astrale, certi pō-
 deris: quia Natura facit & producit,
 ex prima putrefactione res puras; sed
 ex secunda putrefactione multò pu-
 riores, ac multò digniores, & nobili-
 ores, vt habes exemplum in ligno
 vegetabili: vbi in prima cōpositione
 Natura facit lignum, quando autem
 illud post maturitatem corrup-
 pitur, putrefit, & generantur ex illo
 vermes, & aliæ bestiolæ vitam & visū
 habētes: Manifestum autem est, quod
 sēibile semper dignius est vegetabili:
 nam ad sensibilibus organa multò
 subtilior ac purior materia requiri-
 tur. Sed ad propositū. Hoc Elemētum
 esse *menstruum Mundi*, & trifariam
 diuisum dicimus; Nempe *purū purius*,
 ac *purissimum*. Ex eius purissima sub-
 stantia cæli creati sunt, purius etiam
 in aera resolutum est, purum autē sim-
 plex

plex & grossum in sua sphaera remā-
sit & ordinatione Diuina, Natura
operante, custodit omnē rem subtilē.
Vnum globum cum Terra efficit:
habet etiam suum centrum in corde
maris: vnam axim polarem cum
Terra habet, per quam omnes cursus
& fōtes aquarum exeunt, quæ postea
in magna flumina excrescunt. Per
eiusmodi egressiones aquarum Terra
conseruatur à combustione, & cum
hac humectatione deportatur semen
vniuersale per poros vniuersæ terræ,
quod motus & calor faciunt. Manifes-
tum autem est, quod omnes cursus
aquarum, in cor maris reuertuntur,
sed quò postea perueniūt, non omni-
bus constat: sunt enim aliqui, qui cre-
dūt omnia flumina, aquas, & scaturi-
gines, quæ cursum suum in mare ha-
bēt, ex astris generari, qui cū aliam
rationem, cur illis mare nō excrescit,
nesciunt, dicunt in corde maris has
aquas consumi. Sed hoc in Natura
locum non habet, sicut de pluuijs o-
stendimus. Astra quidem causant, sed
non generant; cū nihil generatur,
nisi in suo simili eiusdem speciei: a-

B

stra

stra verò sunt ex igne & aere, quomodo igitur generabunt aquas? Et si hoc ita esset, quòd quædam stellæ aquas generarent, tunc necessariò & aliæ terram generassent, tum & aliæ alia Elementa: quoniam hæc machina Mundi quatuor Elementis ita detinetur, vt vnum aliud minima etiam particula non excedat, sed in æquilibrio virtutibus certant; aliàs si vnum aliud excederet, ruina sequeretur. At tamē maneat, qui vult, in sua opinione, nobis ita in lumine Naturæ datū est, quòd istis quatuor Elementis eorū æqualitate à summo Creatore proportionata, hæc machina Mundi conseruatur, & vnum aliud in sua operatione non excedit. Sed aquæ super fundamentis terræ, tanquam in dolio aliquo ab aeris motu continentur, & versus Poli Arctici ab eo constringuntur quia non datur vacuum in mūdo; hac de causa est in centro terræ ignis gehennalis caliditatis, quem Archeus naturæ gubernat. Nam cum in principio Creationis mundi Deus Opt. Max. ex illo confuso Chao in primis quintam essentiam Elementorum exaltauit, & facta est plus vltra, po-

stea ignis purissimam substantiam ad
locādam SS. Maiestatem suam super
omnia eleuauit, ac in suis terminis
posuit & firmavit in centro Chai
voluntate immensæ sapientiæ diui-
næ, accensus est ignis ille qui postea
illas aquas purissimas distillauit. Sed
quia iam ignis ille purissimus, firma-
mentum cum throno Dei altissimi
obtinuit, aquæ sub illo manserunt, ac
in cælos sub illo igne condensatæ sūt,
& vt fortius firmarentur, ignis iam
grossior priore distillauit. (causante
semper illo igne centrali) qui in Sphe-
ram ignis sub aquis remansit, & sic a-
quæ inter duos ignes in cælos conge-
latæ & compressæ sunt, sed ignis ille
Centralis non cessauit, sed distillando
vltcrius, aquas etiam alias nimis pu-
riores, in aerem resoluit, qui etiam
sub Sphæra ignis, in Sphæram propriā
remansit, & ab ignis Elemēto tanquā
à fortissimo fundamento circumda-
tur; & sicut aquæ cœlorū non possunt
transgredi ignem illum supercœlestē,
ita ignis elementi nō potest trāsgredi
aquas cœlorū, nec etiā aer potest trans-
gredi & exaltari super ignis elementū:

B 2 aqua

aqua verò cum terra in vnum globū remansit, quoniam nō habet locum in aere, excepta illa parte, quā^{am} ignis in aerem resoluit propter fortificationem quotidianam huius machinæ mundi. Si enim fuisset vacuum in aere, tunc aquæ omnes distillassent, & in aerem resolverentur: sed quia iam aeris Sphæra plena est, quæ semper ex aquis per continuum calorem centram distillando adimpletur, ita quod cæteræ aquæ ab aeris compressione circa terram voluūtur, & cum terra mundi centrum tenent. & hæc operatio fit de die in diem, & sic etiam hic mundus de die in diem fortificatur, & incorruptus mansurus est naturaliter, excepta Altissimi conditoris absoluta voluntate, quia ille ignis centralis non cessabit motu vniuersali, & influenza coelestium virtutum accendi, ac aquas calefacere, nec aquæ cessabunt resolui in aerem, nec aer cessabit comprimere residuum aquarum cum terra, ac ita in centro continere, vt non possint moueri ex suo cētro, & sic naturaliter hic mūdus à summa sapientia diuina factus est &
con-

continetur, & sic ad exemplum huius
omnia in mundo naturaliter fieri ne-
cesse est. Hanc creationem huius ma-
chinæ mundi, voluimus tibi eluci-
dare propterea, vt scias quod quatuor
elementa habent sympathiam natu-
ralem cum superioribus, quia ex vno
chao eadem sunt: sed à superioribus
gubernantur sicut à dignioribus, inde
& in hunc locum sublunarē hæc obe-
dientia deuenit. Sed scias ista omnia
à Philosopho naturaliter inuēta esse,
vt suo loco declarabitur. Nunc ad
propositum de aquarum cursibus flu-
xuque & refluxu maris, quomodo per
axem polarem ab vno polo ad alium
feruntur. Duo sunt Poli, vnus Arcti-
cus in parte superiori Septentrionali,
alter verò Antarcticus sub terra in
parte meridionali. Polus Arcticus ha-
bet vim magneticam attrahendi. Po-
lus verò Antarcticus habet vim ma-
gneticam expellendi, quod nobis na-
tura in magnete exemplum ostendit.
Trahit igitur polus Arcticus aquas
per axem, quæ cum intrauerunt, ite-
rum per Poli Antartici axem eru-
punt: & quia aer non permittit in-

B 3

aqua-

æqualitatem, coguntur iterum ad Polū Arcticum centrum suum reuerti, & ita continuè cursum suum obseruare. In quo cursu à Polo Arctico ad Polū Antarcticum per medium seu axem mundi per poros terræ diffunduntur, & ^{inc} hoc secundum maius & minus scaturigines oriūtur, & postea in flumina excrescunt congregiētes, ac iterum illuc vnde egressæ sunt, reuertuntur, & hoc motu vniuersali incessabiliter fit. Has aquas aliqui vt diximus ignorantes, motum vniuersalem & polorum operationes, in corde maris consumi, sed ab astris generari dicunt (quæ nihil materiale producunt nec generant, nisi quod virtutes imprimunt & spirituales influentias, quæ tamen non dant pondus.) Aquæ igitur non generantur, sed ex Centro maris per poros terræ in vniuersum mundum egredi scito; ex istis fundamentis naturalibus Philosophi inuenerunt varia instrumenta ac ductus aquarum & fontānas, cum scitur naturaliter aquas non altius ascendi posse, nisi vt egrediuntur; & nisi ita essent in natura, ars nequaquā po-

potuisset, quia ars imitatur naturam,
& quod in natura non est, per artem
non succedit, aqua vt diximus non
altius ascendit, nisi vt assumitur. Ex-
emplum habes illud instrumentum,
quo vinum ex dolio euocatur; Con-
clusiue igitur scias, non ex astris sca-
turigines generari, & omnes exitus a-
quarum, sed ex Centro maris quo ite-
rum recurrunt, ac sic motum cōtinu-
um obseruant. Si enim hoc nō esset,
nihil omnino neque in terra neque
super terram generaretur, imò rui-
na mundi sequeretur. Verum ne obij-
ciatur quod in mari omnes aquæ sal-
sæ sunt & aquæ scaturiginū dulces, ra-
tionē esse scito, quod aqua illa per po-
ros terræ distillatur & multa milliaria
per angusta loca ac per arenas transiēs
amissa salsedine dulcoratur, ad cuius
exemplum Cisternæ inuentæ sunt.
Sunt etiam in aliquibus locis pori &
meatus maiores largiores, per quos
salsa aqua erumpit, vnde postea salis
fodinæ, salis fontanæ habentur, vt
Hallæ in Germania: In aliquibus etiā
locis calido constringuntur & sal in
arenis relinquitur, aqua verò in alios

poros sudat, vt in Polonia V̄ielicia,
& Bochnia. Sic etiam cum aqua per
loca callida sulphurea continuo ar-
dentia transeunt, incalescunt, vnde
Thermæ oriuntur; sunt enim in vis-
ceribus terræ loca in quibus natura
mineram sulphuream distillat, sepa-
ratque, vbi ab igne centrali illa accē-
ditur. Per hæc loca ardentia aqua cur-
rens secundum propinquitatem & re-
motionem magis minusve incalescit,
& sic in superficiem terræ erumpit, ac
sulphuris saporem retinet, sicut om-
ne iusculum à sua decoctione carni-
um. Eodem modo fit cum aqua per
loca mineralia, siue cuprea, siue alu-
minosa trāsiens, eorum saporem ac-
quirat. Talis igitur est distillator con-
ditor omnium rerum, in cuius manu
hoc distillatorium est, ad cuius exem-
plum distillationes omnes à Philoso-
phis inuentæ sunt, quod ipsemet al-
tissimus Deus ac misericors, absque
dubio hominibus inspirauit: qui po-
terit, quando erit sancta eius volun-
tas, aut ignem centralem extinguere,
aut vas frangere, & erit omnium finis.
Sed cum eius bonitas in melius ten-
dit,

dit, exaltabit aliquando SS. Maiestatē suam, & ignem illum omnium purissimum, qui aquis cælorum in firmamentum est, altius extollet, dabitque gradum fortiolem igni Centrali, vt & omnes aquæ in aera eleuentur, & calcinabitur terra; vt ita ignis, consumpto omni impuro, reddet subtiles, circulatas in aere aquas, purificatæ terræ, atque sic multo nobiliorem mundum (si alias licet philosophari) efficiet. Sciant ergo omnes huius artis inquisitores, quod terra & aqua vnum globum habent, & omnia simul faciunt, quia sunt Elementa tangibilia, in quibus alia duo occulta operantur. Ignis conseruat terram ne submergatur, vel dissoluatur, aer conseruat ignem, ne extinguatur, aqua conseruat terram ne comburatur. Hæc ad propositum nostrum visum est nobis vtile describere, vt studiosi sciant in quibus fundamenta Elementorum consistant, & quomodo Philosophi eorum actus contrarios obseruauerunt, ignem cum terra, aerem cum aqua copulantes, licet quando aliquid nobile voluerunt, ignem

B s in

in aqua decoxerunt, animaduertentes quod sanguis vnus altero purior, sicut & lacryma purior est vrina. Sufficiat igitur tibi quod diximus. Elementum aquæ sperma ac menstruū mundi esse, tum & receptaculum seminis.

DE ELEMENTO

aëris.

Aer est elementum integrum dignissimū in sua qualitate, extraleue & inuisibile, intus verò graue, visibile & fixum. Est calidum, & humidum tēperatur igne, est dignius terra & aqua. Volatile quid est, sed fixatur: & quando fixum est, penetrabile reddit omne corpus. Ex eius purissima substantia, creati sunt Spiritus vitales animalium; minus purū, in aeris propriam Spheram eleuatum est, residuum verò pars eius grossior, remansit in aqua, quæ cum aqua circulator sicut ignis cum terra, quia amici sunt, dignissimum est vt diximus, & illud est verus locus seminis omnium rerum. In illo ita semen imaginatur sicut in viro, quod postea motu

motu circulatio proijcitur in
 sperma suum. Habet hoc Elementū
 formam integritatis, ad distribuē-
 dum semen in matrices per sperma &
 menstruum mundi: in illo etiam est
 Spiritus vitalis omnis creaturæ, per
 omnia viuētis, penetrantis, & con-
 stringentis semen alijs Elementis si-
 cuti vir vxoribus. ille nutrit ea,
 ille imprægnat, ille conseruat ea; &
 docet hoc indies experientia, quod
 hoc Elemento non solum Minera-
 lia animalia vel vegetabilia, verū
 etiam alia Elementa viuunt. Vide-
 mus enim omnes aquas putrefieri, ac
 sordescere, si non habent recentem
 aerem: Ignis quoque extinguitur, si
 illi adimitur aer. Inde sciunt Alchy-
 mistę ignem per aerem distribuere in
 gradus, & secundum mensuram aeris
 registra sua ordinant. Terræ quo-
 que pori conseruantur aere; In sum-
 ma tota structura mundi aere conser-
 uatur, etiam in animalibus. Homo
 necatur cui adimitur aer &c. in orbe
 nihil cresceret, si non esset vis aeris
 penetrantis & alterantis, attrahentis-
 que secum nutrimentum multiplicati-
 uum.

tium. In hoc Elemento est imaginatum semen virtute ignis, quod constringit menstruum mundi, illa vi occulta, vt in arboribus & herbis, cum per poros terræ ac spiritualis caloris, exit sperma cum semine, & virtus aeris in proportionem constringit illud, & congelat guttatim, & sic de die in diem, de gutta in guttam, crescendo arbores magnæ eriguntur, sicut in li. 12. Tractatum tractatum est. In hoc Elemento sunt omnes res integræ, per imaginationem ignis, & est plenum virtutis diuinæ. In illo namque inclusus est Spiritus Altissimi, qui ante creationem ferebatur supra aquas (teste sacra Scriptura) & volauit super pennas ventorum. Si igitur ita est sicuti est, quod Spiritus Domini in illo ferebatur, quid dubitas, quod de virtute sua diuina in illo reliquit? Nam hic Monarcha solet ornare habitacula sua, ornavit enim hoc Elementum Spiritu vitali omnis creaturæ. In illo namque est semen omnium rerum dispersarum, cui à creatione statim vis illa magnetica (vt supra diximus) à summo opifice in-

inclusa est, quam si non haberet, non
 posset attrahere quicquam de nutri-
 mento, sed sic semē in sua parua quā-
 titate relinqueretur, nec cresceret
 nec multiplicaretur; sed sicut lapis
 magnetis trahit ad se ferrum durum,
 ad exemplum poli Arctici trahentis
 ad se aquas vt in Elemēto Aquæ scri-
 psimus, sic aer per magnetem vegeta-
 bilem, quod in semine est, trahit ad se
 nutrimentum mēstrui mundi, id est
 aquæ. Ista omnia fiunt aere, cum ille
 est dux aquarum, eiusque vis inclusa
 est occulta in omni semine ad attra-
 hendum humidum radicale, & hæc
 virtus est vt supra dixim⁹ in omni se-
 mine sēper pars illa 280. vt in tractatu
 12. Tractatum tibi ostendimus. Si i-
 gitaliquis vellet esse bonus plan-
 tator arborum, animaduertēdum est
 illi, vt cuspidem attractiuum versus
 partem Septentrionalem vergat, sic
 nunquam frustrabitur labore. quo-
 niam sicut Polus Arcticus aquas, ita
 punctum verticale semen trahunt
 ad se, & quilibet cuspis attractiuus
 correspōdet illis, & habes exemplum
 in omni ligno cuius cuspis attracti-
 uus

170 - 18

uus naturaliter ad punctum verticale tendit, & trahitur ab illo. Nam fiat lignum quodcunque æqualiter elaboratum, si vis scire quis cuspis est superior, pone illud in aquam, ac submergatur (extra tamen suam longitudinem) videbis semper cuspidem illum prius ex aquis emergere, quam eius appositam partem, nescit enim natura errare in suo officio (de quibus latius in Harmonia) de vi magnetica (quamuis de magnete facile is poterit, cui natura metallorum cognita est) tractabitur. hic nos dixisse sufficiat, Elementū hoc esse dignissimum in quo est semen & spiritus vitalis seu domicilium animæ omnis creaturæ.

DE ELEMENTO

Ignis.

Ignis est elementum purissimum & omniū dignissimum plenum adhærentis vnctuosæ corrosiuitatis, penetrantis, digerentis, corrodentis maximi adhærentis, extra visibile, intus verò inuisibile, fixissimum, est calidum

lidum & siccum, & temperatur terra,
eius omnium purissima substantia &
essentia, cum Throno Diuinæ Maie-
statis, in creatione primum eleuata
est, quando aquæ cælorum firmatæ
sunt, vt in Elemento aquæ diximus,
ex minus purissima eius substantia
Angeli creati sunt, ex minus puriori
cum purissimo aere mixta, lumina-
riâ & stellæ creatæ sunt, minus purū
adhuc in Sphæram ad concludendum
& subleuandum coelos erectum est,
impura verò & vinctuosa in centrum
terræ, ad continuandum motus o-
perationem à summo Creatore sapi-
entissimo relicta & inclusa est, quam
nos gehennam vocamus. Omnes hi
ignes diuisi quidem sunt, sed habent
ad inuicem sympathiam naturalem.
Hoc elementum est omnium quietif-
simum ac simile currui, cum trahitur
currit, cum non trahitur stat quietè.
Inest etiam omnibus rebus imperce-
ptibiliter. In illo sunt rationes vitales
& intellectus, quæ distribuuntur in
prima infusione vitæ humanæ, & hæ
dicuntur anima rationalis, qua sola
homo à cæteris animalibus differt, &
Deo

Deo assimilatur. Hæc anima est ex illo purissimo igne elementalī, in spiritum vitalem diuinitus infusa, propter quam homo post creationem omnium rerum in particularem mundum seu microcosmum creatus est. In hoc subiecto omnium rerum Creator Deus, sedem & Maiestatem suam posuit, sicut in purissimo & quietissimo subiecto, quod à sola voluntate ac immensa sapientia diuina gubernatur. Propterea abhorret Deus omnem impuritatem, nihil sordidum, compositum, maculatum, appropinquare potest Deo. ideo nullus mortalium Deum videre nec accedere naturaliter potest: nam ignis ille qui est in circumferentia diuinitatis, in quo deportatur sedes & Maiestas Altissimi, est ita extensus, vt nullus oculus illum penetrare possit, quoniam ignis non patitur accedere compositum, ignis enim omnis compositi mors est, & separatio. Quietissimum subiectum illud esse diximus (quoniam est) alias sequeretur, (quod & cogitare absurdum est) Deum quiescere non posse, est enim quietissimi silentij, plus quam mens

mens humana imaginare potest. Habes exemplum in silice in quo ignis est, & tamen non sentitur, nec apparet, donec motu excitatur & accenditur in illo ut appareat; ita ignis ille in quo locata est SS. Maiestas Creatoris nostri, non mouetur nisi propria voluntate Altissimi excitetur, & sic deportatur quo est S. Voluntas eius. Fit enim voluntate supremi conditoris, motus vehementissimus & terribilis. Habes exemplum, quando aliquis Monarcha huius mundi in sua pompa sedet, qualis circa illum quies, quale silentium? & etiam si ex suis aulicis aliquis mouetur, motus tantum vnius & alterius particularis est, qui non consideratur. Sed quando Dominus ipse mouetur, fit rumor & motus vniuersalis, tū omnis assistentia mouetur cum illo. Quid igitur quando supremus ille Monarcha Rex Regū ac Cōditor omnium rerū (*ad cuius exemplū principes mundi constituuntur in terris*) mouet authoritatem, qualis motus, qualis tremor, quando circa illū mouetur tota assistētia cælestis exercitus? Sed quæret aliquis quomodo ista

C

scimus

scimus cum cælestia ab humano intellectu abscondita sūt. Quibus respondemus, omnibus Philosophis ista manifesta esse, imò ipsa incōprehēnsibilis sapiētia illis inspirauit, omnia ad exemplum naturæ creata esse, & ex illis arcanis naturam retractum habere ac operari, nihilque fieri in terris, nisi ad exēplum cēlestis monarchiæ, quod ex Angelorū varijs officijs habetur. Sic etiam nō nascitur nec generatur quicquā, nisi naturaliter. Omnes humanæ inuentiones, imò & artificia, quæ aut sunt aut erunt, nō nisi ex fundamētis naturæ proueniūt. Voluit Altissimus Creator omnia naturalia homini manifestare, propterea & ipsa Cēlestia naturaliter facta nobis ostendit; ex quibus vt eo melius eius absoluta ac incomprehensibilis potentia & sapientia cognosceretur, quæ omnia Philosophi in lumine naturæ sicut in speculo videre habent, propterea hāc scientiam (non auri vel argenti cupiditate, sed cognitione non solum omnium rerum Naturalium, sed & ipsius Creatoris potentia) magni estimarunt, & de his quam parcissimè & non nisi figuratiuè loqui voluerunt

ne mysteria diuina per quæ natura elucidatur, indignis patefiant, quod tu si te ipsum scire noueris, & non es duræ ceruicis, facile comprehendere possis, qui ad similitudinem maioris mundi, imò ad ipsius Dei imaginem creatus es. Habes in tuo corpore Anatomiam totius mundi, habes in firmamentum quintam essentiam quatuor Elementorū, ex Chaos spermatū in matricem extractam, & in cutem (plus vltra) constrictam, habes purissimam sanguinem loco ignis, in quo sedes animæ (vice Regis) spiritu vitali locata est, habes cor loco terræ, vbi ignis centralis continuò operatur, & hanc machinam Microcosmi in suo esse cōtinet. Habes polum Arcticum, os; habes aluum antarcticū, & omnia membra cælestibus correspondent, de quibus in Harmonia nostra aliquando latius relinquemus, in Capitulo de Astronomia, vbi scripsimus quomodo Astronomia ars, facilis naturalis, quomodo aspectus planetarū & stellarum causant, & quare ex aspectibus de pluuijs & alijs euentibus prognosticatur, quod hic longum

esset recensere, & omnia ista sunt sibi concatenata, & naturaliter fiunt Deitatem tātum aliqua adimplere: quod veteres omiserunt (diligenti studio huius arcani) voluimus, vt illi tanto clarius incomprehensibilis potentia Altissimi Dei ad Cor perueniat, & ille illū eo ardentius amet & adoret. Sciat ergo inquisitor huius S. Sciētiæ quod anima in homine mundo minori, Microcosmo Dei Creatoris sui locum tenens, seu vice Rex est, quæ in spiritu vitali in sanguine purissimo locata est. Illa gubernat mentem, mens verò corpus, quando anima aliquid concipit, mens omnia scit, & mentem omnia membra intelligunt, & parent menti ac expectant cum desiderio adimplere voluntatem. Corpus enim nihil scit, quicquid in corpore fortitudinis siue motus est, mens facit ista, corpus tantum est menti sicut instrumenta alicuius artificis. Anima autē qua homo à ceteris animalibus differt, illa operatur in corpore, sed maiorem operationem habet extra corpus, quoniam absolute extra corpus dominatur, & his differt ab animalibus, quæ tan-

tantum mentem & non animam dei-
tatis habent. Sic quoque Deus & con-
ditor rerum dominus & Deus noster
operatur in hunc mundum ea, quæ
ad mundi necessaria pertinent, & in
his includitur mundo, vnde Deum v-
bique esse credendum. Excluditur au-
tem illa sua immensa sapientia, extra
corpus mūdi qua operatur extra illū,
& alia multò altiora imaginatur quā
corpus mundi concipere potest, & ista
sunt contra l. extra naturam, solius
Dei secreta, sicut est exemplum in ani-
ma, quæ extra corpus multa profun-
dissima imaginatur & hisce assimila-
tur Deo, quibus extra suum mundum
operatur extra naturam, licet & ista
sunt adhuc sicut cādela accensa erga
meridianam lucem, quoniam anima
imaginatur sed non exequitur nisi in
mente, Deus verò omnia eodem mo-
mento quo imaginatur efficit; sicut
anima imaginatur esse Romæ vel
alibi quidquid fit in ictu oculi, sed
mente tantum, Deus verò talia essen-
tialiter facit, qui omnipotens est. Nō
est ergo Deus inclusus mundo, nisi vt
anima corpori, separatam habet suā

absolutam potestatem, sic etiā anima cuiuscunque corporis est, absolutam habet & separatam potentiam alia facere quam corpus concipere potest, maximam ergo habet potestatem in corpus si vult, alias frustra esset nostra Philosophia. Ex his igitur disce cognoscere Deum, & scies quibus differt Creator à Creatis. Tu ipse maiora concipere poteris, cum iam à nobis portam apertam habes. Sed ne nobis hic tractatus excrescat, ad propositū accedamus. Diximus supra Ignis Elementum quietissimū esse, quod motu excitatur, quam excitationē nouerūt viri sapiētes. Omnem generationem & eiusdem corruptionē Philosopho necesse est scire, cui non solum Creatio cœli manifesta est, sed etiam omnium rerum compositio & cōmixtio. sed licet omnia sciunt, non tamen omnia possunt. Scimus quidem compositionem hominis in omnibus qualitatibus, animā tamen infundere non possumus, quoniam hoc mysterium est solius Dei, & eiusmodi infinitis mysterijs superat omnia, cū ista sunt extra naturam, ista non sunt adhuc

huc in dispositione naturæ : natura non prius operatur, nisi quando illi materia porrigitur. Prima materia à Creatore, secunda à Philosopho. In operatione verò Philosoph. natura habet excitare ignem, qui à Creatore occultè in centrum cuiuslibet rei inclusus est; talis ignis excitatio fit per velle naturæ, aliquando per velle sagacis artificis naturam disponentis, naturaliter enim omnes impuritates & pollutiones rerum purgātur igne. Omne compositum soluitur igne: sicut aqua lauat & purgat omnes res imperfectas quæ nō sunt fixæ; sic ignis purgat omnes res fixas & per ignem perficiuntur. Sicut aqua omne solutum coniungit, ita ignis omne coniunctum separat, & quod suæ naturæ & proprietatis est, optime purgat & augmentat, non quidem in quantitate sed in virtute agit hoc Elementū miris modis occultè in alia Elementa ac in omnes res. sicut enim anima est ex illo purissimo, ita vegetabilis est ex Elementalī quod à natura gubernatur. Agit hoc Element. in Centrū cuiuslibet rei, hoc modo, natura dat

motum motus excitat aerē, aer ignē,
ignis verò separat, purgat, digerit, co-
lorat, & maturefcere facit omne se-
men, maturumq; expellit per sperma
in loca & matrices, loca pura vel im-
pura, calida magis aut minus, sicca
vel humida & secundum dispositio-
nem matricis, seu loci variæ res pro-
ducuntur in terra, cuius etiam in li-
bello 12. Tractatum de matricibus
mentio facta est, quot loca tot matri-
ces esse. Ita conditor omnium rerum
Altissimus Deus, omnes res cōstituit
& ordinavit, quod vna contrariatur
alteri, & tamen vt mors vnus sit vita
alterius: quod vnum producit alterū
consumit, & aliud ex hoc & quiddam
nobilius naturaliter producitur, ac
hisce conseruatur æqualitas Element.
& sic compositi: omnium rerum præ-
sertim viuientium separatio mors,
naturalis est, propterea naturaliter
hominem mori oportet; quia cum
homo ex quatuor Elemētis est com-
positus, subest separationi, cum omne
compositum separatur naturaliter.
Sed hæc separatio humana Composi-
tionis, in die Iudicij tantum fieri de-
buit,

buit, nam in paradiso homo immortalis erat, quod omnes Theologi, & ipsa Sacra scriptura testatur, rationē tamen sufficientem immortalitatis nullus Philosophus hucusq; ostēdit, quā huius scientiæ S. inquisitori scire conuenit, vt videre possit, quomodo ista omnia naturaliter fiunt, & facilissimè intelligi possunt. Verum & verissimum est, omne compositum huius mundi corruptioni subesse ac separari posse, quæ separatio in regno animali mors appellatur, homo autem cum etiam ex quatuor Elementis compositus & creatus est, quomodo immortalis esse poterat, hoc naturaliter fieri, credere difficile est, imò supra naturale. aliquid hucusque habetur, Deus tamen Philosophis viris bonis ante complura secula hoc naturaliter esse inspirauit, quod tu à nobis sic accipe.

Paradysus erat & est locus talis à summo conditore rerum ex veris Elementis non Elementatis sed purissimis temperatis, in summa perfectione anatisatis creatus, & omnia quæcunque in Paradiso sunt, ex iisdem

C

s

Ele-

Elementis creata & incorrupta esse;
ibi etiam homo creatus est, ex iisdem
incorruptis Elementis, iusta æquali-
tate a nativitate constitutus, ut nullo
modo corrumpi potuerat, ideo im-
mortalitati consecratus fuit, quo-
niam paradisum hūc pro hominibus
dumtaxat Deus sine dubio creavit (de
quo nos & ubi sit in Harmonia co-
piosè :) sed cum postea peccato in-
obedientiæ, mandatum Altissimi
Conditoris transgrederetur, in hunc
mūdum corruptibilem Elementatū,
quem tantum pro bestiis creauerat
Deus, homo ad bestias expulsus est,
qui cum sine nutrimento vivere non
poterat, ex Elementis Elementatis
corruptis nutrimentum sumere ne-
cesse fuit, quo nutrimento inficiebātur
illa Elementa pura creationis suæ, &
ita lētē in corruptionem declinavit,
donec vna qualitas alterā superavit,
& ruina totius compositi, infirmitas,
ac vltimò separatio & mors aduenit.
postea adhuc magis corruptioni &
morti proximiores fuerunt illi, qui
iam in elementis corruptis ex semine
corrupto & nō in paradiso procreati
sunt,

sunt, quoniam semen ex corruptis
nutrimētis productum durabile esse
non potest, & quo diutius ab expulsi-
one paradisi, eo corruptioni propin-
quius homines accedunt, inde & vita
breuior, & deueniet hucusque, quod
& procreatio propter abbreviationē
vitæ cessabit. Sunt tamen aliqua loca
vbi aerē benigniorem, & sydera pro-
pitiora habent, ibi nō ita cito naturæ
corrumpuntur, quia & homines na-
turalius viuūt. Nostrates verò temerè
gula & inordinata vita, ad corruptio-
nē festinant. Docet hoc experientia,
quod ex infirmorum parētum semi-
ne nati non durant. Sed si homo in
paradiso mansisset, in loco illius na-
turæ conuenienti, vbi Elementa in-
corrupta omnia virgo sunt, in eternū
immortalis esset; certum enim est,
quando elementa pura in æqualitate
virtutibus cōiuncta sunt, subiectum
hoc incorruptum esse, & talis debet
esse lapis Philosop. tali creationi hu-
manæ, à veterib. illis Philosophis
assimilat⁹ est, sed moderni Philosophi
omnia ad literam intelligentes, ad
huius seculi generationem corruptā
inten-


intendunt. Hæc immortalitas principalis fuit causa, quod Philosophi hūc lapidem quærere ingeniati sunt, sciuerunt enim hominem ex talibus Elementis integris creatum esse. Meditati sunt igitur de Creatione ista, quam cum naturalem esse cognouerunt, cœperunt scrutari an talia elementa incorrupta possunt haberi, aut si illa in aliquo subiecto coniungi & infundi possent, quib⁹ ipse Altissimus Conditor rerum inspirauit, compositionem talium elementorum in auro esse, quoniam in animalibus fieri est impossibile, cum ex elementis corruptis vitam sustentare debent; in vegetabilibus etiam non est, quia inæqualitas Elementorum in illis inuenta est; & cum omnia creata ad multiplicationem inclinata sunt, proposuerunt Philosophi in hoc regno minerali hanc naturæ possibilitatem experiri, qua inuenta, alia innumerabilia arcana naturæ inesse viderunt, de quibus vt de secretis diuinis parcissimè reliquerunt. Sic igitur habes quomodo elementa corrupta in subiecto cadunt, & separantur, quando

quando vnum aliud superat , quia
 tunc fit per primam separationem
 putrefactio, & per putrefactionē puri
 ab impuro separatio , & si tunc fit
 coniunctio noua, tunc virtute ignis
 acquirit formam multò nobiliorem
 primā. Nam in suo primo statu cor-
 ruptio fuit ex grosso admixto quod
 nō nisi per putrefactionem purgatur,
 & melioratur, & hoc fieri non potest,
 nisi coniunctis viribus quatuor ele-
 mentorum, quæ sunt in omni com-
 posito: cum enim cōpositum cadere
 debet, per elementum aquæ cadit, &
 dum ita confusè iacent, ignis qui est
 potentialiter in quolibet aliorum
 vtpote in terra, in aere, conueniunt
 simul, & coniuncta manu vincunt po-
 steà aquam, quā digerunt, coquunt, &
 vltimo cōgelant, ac tali modo natura
 naturæ auxiliatur; si enim ignis cen-
 tralis occultus, qui invita captus erat,
 vincit, agit in id quod sibi propinqui⁹
 ac purius est, sicut & ipsum purissimū
 est, & coniungitur cum illo: ita vincit
 contrarium separatque purum ab im-
 puro, & generatur noua forma, si ad-
 huc adiuuatur priore multo præstan-
 tior,

tior, interdū sagacis artificis ingenio
fiunt res immortales, maximè in reg-
no minerali. sic omnia solo igne, &
ignis regimine fiunt, & perducuntur
in esse, si me intellexisti. Hic igitur
habes Elementorum originem, &
naturas eorum ac operationes quam
breuissime descriptas, quod ad nostrū
propositum hoc loco sufficit. Nam
alias si quodlibet Elementum descri-
beretur vt est, magnum volumen o-
riretur, nostro proposito non necessa-
rium. ista omnia vt diximus ad Har-
moniā remittimus, vbi Deo fauente
si nobis vita superstes erit, de natura-
libus copiosius relinquemus.

DE TRIBVS PRINCIPIIS

omnium rerum.



DEscriptis hisce quatuor Elemētis
ad tria principia rerum descen-
damus, quomodo autem illa produ-
cuntur, ex quatuor Elementis sic ac-
cipe.

Postquam natura ab Altissimo
Creatore omnium rerum Priuilegiū
feudi super hanc Monarchiam mūdi
ac-

acceperit, cœpit loca & prouincias
 vnicuique secundum dignitatem di-
 stribuere, & in primis quatuor Ele-
 menta principes mundi esse consti-
 tuit, & vt adimpleretur voluntas Al-
 tissimi (in cuius velle natura posita
 est) vt vnum in aliud incessabiliter
 ageret, ordinauit. Cœpit itaque agere
 ignis in aerem, & produxit Sulphur.
 Aer quoque cœpit agere in aquam, &
 produxit sal. Aqua etiam cœpit agere
 in terram & produxit Mercurium.
 Terra autem cum non habuit in quo
 ageret, non produxit quicquam, sed
 productum remāsit in illa, propterea
 tria tantum principia euenerunt, &
 terra facta est nutrix & matrix aliorū.
 Tria vt diximus Principia producta
 sunt, quod veteres Philosophi non
 ita strictè cōsiderarunt, qui duos tan-
 tum actus Elementorū descripserunt;
 vel si etiam volētes obticuerunt, quis
 illos iudicabit, cum illi scripta sua
 filiis suis tantū dedicarunt, & sulphur
 cum Mercurio (quod & nobis suffici-
 at) materiam metallorum, imò &
 lapidis Pilos. esse nominarunt. Qui-
 cunque igitur vult esse verus indaga-
 tor

tor huius S. Scientiæ, necesse est vt
sciat accidentia, & ipsum accidens
noscat, vt discat ad quod subiectum
seu Element. accedere proponit, vt
per media sese ad id accommodet, si
alias quaternarium numerum adim-
plere desiderat. Sicut enim hæc tria
Principia ex quatuor producta sunt,
sic oportet per diminutionem, vt etiã
hæc tria producant duo, masculum &
fœminam: duo verò producant vnũ
incorruptibile, in quo erunt illa qua-
tuor æqualiter syncera ad summum
depurata, digesta, & sic respondebit
quadrangulus quadrangulo. Et hæc
est illa quinta essentia omni artifice
multum necessaria, à multis cōtrarijs
separata, & sic habes in his trib⁹ prin-
cipijs in quacunque compositione
naturali corpus, spiritum & animam
occultam, quæ tria si separata & bene
purgata vt diximus coniunxeris, sine
dubio imitando naturā, purissimum
fructum dabunt. Quoniam etiam si
anima ex nobilissimo loco assumpta
est, illuc tamen quo tēdit, non potest
peruenire nisi per spiritum, qui est
locus & domicilium animæ, quam si
vis

vis reducere in locum debitum, opus est vt sit lauata ab omni peccato, locus quoque sit purificatus, vt in illo anima possit glorificari & nō amplius separari. Iam ergo habestrium Principiorum originem ex quibus tuum est imitando naturam Mercurium Philos. & eorum primam materiam producere, & ista principia rerum, maximè metallorum ad tuum propositum deducere, cum sine istis principijs impossibile est tibi aliquid perficere per artem, cum & natura ipsa sine ipsis nihil facit, nec producit. Hęc tria sunt in omnibus rebus, & sine illis in orbe nihil est, nec naturaliter erit. Sed quoniam supra scripsimus quod veteres Philosophi ^{duo} tantum principia nominarunt, ne inquisitor aberraret, sciendum est, quod licet illi sulphur & Mercurium descripserunt, sine sale tamen nequaquam ad hoc opus accedere potuerunt, cum illud est clavis & principium huius sacre scientiæ: illud est quod aperit portas iustitiæ, illud est quod clauēs habet ad carceres infernales, vbi sulphur ligatū iacet, sicut aliquando latius dabuntur

D

ista,

ista in tractatu tertio principiorum,
de Sale. Nunc ad propositum, quod
hæc tria Principia omninò sunt ne-
cessaria, quia illa sunt materia pro-
pinqua. Duplex enim est materia me-
tallorū. Proxima, Remota. Proxima
est Sulphur & Mercurius, Remota, sūt
quatuor Elementa ex quibus solius
Dei est res creare. relinque ergo Ele-
menta quoniam ex illis nihil facies,
nec poteris, nisi hæc tria Principia
producere, cum & natura ex illis nihil
aliud producit. Si igitur ex Elementis
nihil aliud quam ista tria Principia
producere potes, ad quid tibi iste van⁹
labor, id querere vel facere velle, quod
iam à natura generatum est? Nonne
melius est ire tria milliaria quā qua-
tuor. Sufficiat ergo tibi tria principia
habere, ex quibus natura in terra &
super terram omnia producit, quæ
tria in omni re integrè inuenies. Ex
horum debita separatione & coniun-
ctione, natura producit tam metalla
quam lapides in regno minerali; in
regno verò vegetabili, arbores herbas
& omnia; in regno etiam animali,
corpus, Spiritum, & animam, quod
maxi-

maximè operi Philosop. adæquatur.

^{¶ 70} Corpus est terra, Spiritus est aqua, A- ⊙
^{*}nima est ignis seu sulphur auri. Quan-
titatē corporis auget Spiritus, virtutē
verò auget ignis; Sed quia magis est de
Spiritu in pondere quam de igne, ex-
altatur Spiritus & opprimit ignem,
trahitque ad se: & sic quilibet eorum
crescunt in virtutem, & terra quæ est
intermedium illorum, crescit in
pōdere. Omnis igitur indagator artis,
concludat in suo animo quod quærit
ex his tribus, & huic in auxilium
succurrat, vt possit vincere suū Con-
trarium; postea addat ad pondus na-
turæ suum pondus, vt adimpleatur
defectus naturæ per artē, & ita vincet
suum contrarium. Diximus in Ele-
mento terræ, terram nihil aliud esse
quam receptaculum aliorum, id est
subiectū in quo ista duo ignis & aqua
certant, mediante aere; si prædomina-
tur aqua, producit res temporales &
corruptibiles; si autem ignis vincit,
^{¶ 70} quæ ducit res perpetuas & incorru-
ptibiles. considera igitur quod tibi sit
necessarium.

Scias prætereà quod ignis & aqua

D 2

sunt

sunt in omni re, sed neque ignis neque
aqua faciunt aliquid, quoniam illa
inter se tantum certant & pugnant de
velocitate, & de virtute, & hoc non
per se, sed per excitationem caloris
extrinseci qui motu caelestium virtu-
tum in centro terræ accenditur, sine
quo ista duo nihil facerent vnquam,
starent vterque illorum quodlibet in
suo termino & pondere; sed natura
postquam coniunxit ista duo in pro-
portionem, tunc calore extrinseco ex-
citatur illa, & sic incipiunt inter se pu-
gnare, & quodlibet illorum vocat
suum simile in adiutorium, sicque
ascendunt & crescunt, quousque terra
cum illis amplius ascendere non po-
test, interim illa duo in eiusmodi re-
tentione terræ subtiliantur: nam in
illo subiecto terræ ignis & aqua ascen-
dunt incessabiliter, & per poros refer-
uatos quos aer præparat agunt, & ex
illa eorum subtiliatione flores & fru-
ctus sequuntur, in quibus amici fiunt,
vt in arboribus videre est; quo enim
melius subtiliantur & purificantur
ascendendo, eo præstantiores produ-
cunt fructus, præsertim si æqualiter
vir-

virtutibus coniunctis finiunt.

Purgatis ergo rebus, fac vt ignis & aqua amici fiant, quod in terra sua, quæ cum illis ascenderat, facile faciēt, & tunc id breuius perficies quam natura, si benè secundum pondus naturæ coniunxeris; non sicut prius fuit, sed sicut natura requirit, & tibi opus est. Quoniam natura in omni compositione magis apponit de alijs quā de igne. Minima pars ignis semper est, sed natura secundum placitū addit ignem extrinsecum, ad excitandum illum internum secundum maius vel minus per multum aut parum temporis, & secundū hoc si ignis superat aut superatur, perfecte aut imperfecte res fiunt. Sic in mineralibus quam in vegetabilibus. Non intrat quidem ignis extrinsecus in profundum compositionis essentialiter, sed tantum virtute; quoniam ignis intrinsecus materialis, sufficit sibi si tantum nutrimentum habet, & ignis extrinsecus est illi nutrimentum, & quasi ligna respectu ignis Elementalī, & secundum tale nutrimentū crescit & multiplicatur. Cauendum tamen est, ne

D 3

ille

ille nimius ignis extrinsecus adueniat, quoniam si quis multum & extra posse comedit, suffocatur: paruum ignē magna flamma deuorat, ignis extrinsecus debet esse multiplicatiuus, nutriendus, non deuorans, ita enim res perficiuntur. Decoctio ergo in omnibus rebus est perfectio, ita natura addit virtutem ad pondus & perficit. Verū quia difficile est ad compositū addere, cum hoc longissimum laborem requirit, consulimus itaque, ut de superfluo amoueas, tātum quantū opus est, vel natura requirit. Remotis superfluitatibus misce, ostēdet postea natura quod quæsiisti. Tu quoque cognosces, si natura benè aut malè coniunxit elementa. cū in coniunctione elementa omnia consistunt. Sed multi laborantes stramen pro tritico seminant, aliqui vtrumque, multi verò id proijciunt quod Philosophiam amant, aliqui incipiunt & desinunt, quod ex illorum inconstantia euenit; artem difficilem, laborem facilem quærunt, optima reiicientes pessima seminant: sed sicut hæc scientia in præfatione occultatur, sic & materia

teria in principio proijcitur. Nos autē
dicimus artem hanc nihil aliud esse,
quam virtutes Element. æqualiter
commixtas, calidi, sicci, frigidi, hu-
midi, æqualitas naturalis, coniunctio
masculi & foeminæ, quem eadem fa-
mina genuit. id est coniunctio ignis
& humidi radicalis metallorum. Cō-
siderando quod Mercurius Philosop.,
habet in se sulphur, suum proprium,
bonum secundum minus & maius
depuratum & decoctum à natura, ex
Mercurio omnia perficere poteris;
sed si scies addere ad pondus naturæ
tuum pondus duplicare Mercurium,
& triplicare sulphur, citius termina-
bitur in bonum, postea in melius, vs-
que in Optimum, quamvis unum tan-
tum apparens est sulphur, & duo Mer-
curij, sed vnus radicis, non crudi nec
nimis costi, purgari tamen & soluti,
si me intellexisti. Materiam quidem
Mercurij Philosop. & materiam sul-
phuris eorundem describere non est
opus, nemo mortalium potuit, nec in
posterum poterit apertius, & clarius
illam describere, quam ab antiquis
Philosophis descripta & nominata

est, nisi alias anathema artis esse velit. Est enim ita communiter nominata, vt etiam non æstimetur; ideò inquisitores ad alias subtilitates se conuertunt, quam in naturæ simplicitate manerent. Non dicimus tamen Mercurium Philosophorum commune quid esse & apertè nominari, sed de materia, ex qua Philos. sulphur suum & Mercurium creant, quoniam Mercurius Philos. non habetur per se super terram, sed ex sulphure & Mercurio cōiunctis educitur arte. nō prodit in lucem, nudus enim est, sed à natura miris modis inuolutus est. Cōclusiue dicimus repetendo sulphur & Mercurium esse mineram nostri argenti viui, (coniuncta tamen) quod argentum viuum habet, posse metalla soluere, occidere, & viuificare, quam potestatem accepit à sulphure aceroso suæ propriæ naturæ.

✱

Sed vt adhuc melius cōcipere possis, audi quæ differentia est, inter nostrū argentum viuum, & Mercuriū vulgi. Mercurius vulgi non soluit aurū nec argentum vt ab illis nō separetur, argentum verò viuum nostrum, soluit
aurum

aurum & argentum & non separatur
ab illis in æternum, sicut aqua mixta
aquæ. Mercurius vulgi habet sulphur
combustibile malum quodenigratur,
nostrum argentum viuum habet in se
sulphur incōbustibile, fixum, bonū,
albissimum & rubeum. Mercurius
vulgi, est trigidus, humidus: Mercuri-
us noster, est calidus, humidus. Mer-
curius vulgi, corpora denigrat & infi-
cit: Argentum viuum nostrum cor-
pora dealbat vsque ad cristallinam
serenitatē. Mercurius vulgi vertitur
per præcipationem in puluerē citri-
num, sulphur malum: Argentum vi-
uum nostrum mediante calore verti-
tur in sulphur candidissimum, bonū
fixum & fluxibile. Mercurius vulgi
quo magis decoquitur, eo magis flu-
xibilis: argentum viuum nostrum
quo magis decoquitur, eo magis in-
spissatur. Ex his igitur circumstantijs
considerare poteris, quomodo diffe-
runt inter se Mercurius vulgi ab ar-
gento viuo Philosophorum. Si adhuc
non intelligis, noli expectare, nullus
mortalium dabit clariora sicut hic
diximus. (sed de virtutibus) talis vir-

D s

tutis

tutis est argentum viuum nostrum,
quod & per se sufficit, & tibi & sibi
absque omni additione rei extraneæ,
sola decoctione naturali soluitur &
congelatur: sed Philosophi propter
abbreviationem, addunt illi sulphur
suum benè digestum & maturum, &
sic operantur. Potuissimus quidem
citare scripta Philosophorum ser-
monem nostrum confirmantia; sed
quoniam clariora eorum scriptis
scripsimus, non indigent comproba-
tione; is intelliget, qui in aliorum
scriptis versatus est. Si igitur nostrum
consilium vis sequi, consulimus vt
antequam ad hanc artem accedas,
in primis discas compescere linguam
& naturam minerarum & metallorū
inquiras, tum & vegetabilium, quo-
niam in omni subiecto Mercurium
nostrum inuenies, & ab omnib. rebus
Mercurius Philo. extrahi potest, licet
in vno subiecto propinquius quam in
alio. Scito etiam pro certo, quod hæc
scientia, nō in fortuna neque casuali
inventionē, sed in reali sciētia locata
est, & non est nisi hæc vnica materia
in mundo per quam & ex qua præpa-
ratur

ratur lapis Philosophorum. Est quidem in omnibus rebus, sed in extractione eius vita desisteret: sine cognitione tamen rerum naturalium præsertim in regno numerabili, similis eris cæco qui vñ ambulat. Talis quidem artem non nisi casualiter querit, & etiam si sicut multoties accidit casu ab aliquo materia tractatur argenti viui nostri, tunc vbi incipere debet, opus suum finit, & sic sicut casu inuenitur, casu amittitur, quia nescit super quid suam intentionem fundare debet. Ideò hæc scientia est donum Dei Altissimi, & nisi Deus per ingenium bonum vel per amicum alicui reuelauerit, difficile cognoscitur: nam non omnes Gebri, non omnes Lullij esse possumus. Et licet Lullius vir subtilis ingenij fuit, tamen si ab Arnoldo artem accepisset, cerè similis fuisset alijs qui illam cum difficultate inquirunt, siquidem & Arnoldus ab amico accepisse cōfiteretur, facile enim scribere cui ipsa natura dictat. Est Prouerbiū: *facile est addere inuentis.* Omnis ars & scientia magistro facilis, sed incipienti discipulo non sic, & ad hanc

hanc sciētiam inquirendam tempus
requiritur longum, copia vasorum &
expensa magna, & quotidianus labor,
cum immensa meditatione, quamuis
“ scienti omnia leuius.

Conclusiue dicimus hanc artem
soli Altiſſimi Dei donum eſſe, qua
cognita orandus eſt, vt etiam ad artē
hanc benedictionem ſuam dare di-
gnetur, quoniam ſine benedictione
diuina omnino inutilis eſt, quod nos
ipſi experti ſumus, cum propter ſcien-
tiā aliquot grauiffima pericula paſſi,
plus infortunijs ac incommodi quam
vtilitatis inde habuim⁹; ſed credimus
mūdum tempus adueniſſe, cū raro
ſapiūt Phryges. Iudicia Domini abyſs⁹
multa, attamen diuinam prouidentiā
in eiufmodi noſtris infortunijs admi-
ratus ſum. Semper enim Altiſſimi
cōditoris noſtri protectionem præſto
habuimus, vt nullus inimic⁹ potuerit
nos opprimere, cuſtos fuit ſemper
Angelus Domini Arcæ huius, in quā
Altiſſimus conditor rerum, tantum
theſaurum incluſit, quem & vſque
tuetur. Audiuiſus namq; inimicos
noſtros in laqueum quem nobis pa-
rauerunt,

rauerunt, incidere. Qui in nostram vitam irruerunt, vita priuati sunt, qui verò bona nostra inuaserunt, bona sua (nonnulli & regna) amiserunt. Prætereà illorum qui nostro honori detraxerunt, multos infames periisse scimus. Tantam custodiam ab omnium rerū Creatore semper habuimus, qui nos statim ex vtero matris nostrę sub vmbra alarum suarū suscepit, spiritumque intelligentiæ rerum naturalium infudit, cui sit laus & gloria per infinita sæcula sæculorum. Tanta beneficia ab Altissimo Deo Creatore nostro accepimus, quod non solum calamo verum & mente comprehendere sit impossibile. Vix vnquam mortalium alicui maiora, imò saltē talia contulit Deus. Vtinam tantum animi, tantum Spiritus & eloquentiæ intelligentiæque haberemus, vt debitas gratias illi agere possemus, scimus enim talia nō meruisse. hoc vnicum credimus esse, quod in illo solo semper sperauimus, speramus, & sperabimus. Scimus enim nō esse inter mortales, qui nos adiuuare possit, nisi hic solus Deus & Creator noster, quia vanum

num est confidere in principibus, quoniam homines sunt, ut ait Psalm. Omnes hi à Deo Spiritum vitę habēr, quo ablato, puluerem omnia esse; sed sperare in Domino Deo, (à quo sicut à fonte bonitatis omnia bona abundantissimè fluunt) tutum & securum est. Tu igitur quicumque cupis ad hanc S. Scientiam accedere, pone in primis spem integram in Deo Creatore tuo, illumque precibus fatiga, & crede firmiter, te ab illo non derelinquendum; quoniam si Deus cor tuum candidū, & spem integram in se positam cognouerit, facillè dabit medium, per hanc siue per aliam viam adiuuabit te, ut voto potiaris. *Initium sapientia timor Domini.* Ora, sed nihilominus & labora, Deus quidem dat intellectum, sed tu illo scias vti: nam sicut sunt dona Dei, intellectus bonus, & occasio bona, ita est pœna peccati, quādo omittitur occasio bona.

Sed ut ad propositum redeamus, dicimus argentum viuum materiam primam istius operis esse, & verè nihil aliud, quidquid additur illi, oritur ex illo. Diximus aliquoties quod ex tribus

bus Principijs fiunt, & generantur omnes res mundi, sed nos aliqua ab acidēribus purgamus, purgata iterum coniungimus, additis addendis deficientia adimplemus, & imitando naturam ad finem summæ perfectionis decoquimus, quod natura propter acidens perficere non potuit, & iam finiuit ubi ars incipere debet. Propterea si cupis naturam imitari, in his illam imitare in quibus illa operatur; nec te moueat quod scripta nostra contraria sibi videantur in aliquibus locis; ita enim opus est ne ars proderetur. Tu autem elige ea, quæ cum natura cōueniunt. accipe rosas, relinque spinas; si intendis metallum facere, metallum sit tuum fundamentum, quia nō generatur ex cane nisi canis, ex metallo metallum. nam scito pro certo, si non accipies ex metallo humidum radicale optimè separatum, nihil facies vnquā. Sine grano tritici, frustra colis terram, vnica res, vnica ars, vnica operatio. Si igitur metallū vis producere, metallo fermentabis; si verò arborem, arboris semen sit tibi fermentum. Vnica vt diximus est operatio.

peratio, extra quam non est alia, quæ
 vera sit. Errant itaque omnes, qui di-
cunt aliquod particulare extra hanc
unicam viam & naturalem materiã
verum esse; etenim non habetur ra-
 mus, nisi ex trũco arboris. Impossibile
 est & fatuum, ramum prius quam ar-
 borem producere velle; facilius est
ipsum lapidem conficere, quam par-
 ticulare aliquid etiam simplicissimũ,
quod sit vtile & in examinatione cum
 naturali persisteret. Sunt tamẽ multi
 qui gloriantur se posse facere lunam
 fixam, sed melius facerent vt plumbũ
 vel stannũ fixarent, cum meo iudicio
 idem labor est, quia ista non resistunt
 examini ignis, donec in sua natura
 sunt; luna aut in sua natura satis fixa
 est, nec opus habet fixatione Sophisti-
 ca. At cum quot capita tot sensus, nos
 relinquimus cui libet suam opinionẽ
 qui non vult sequi nostrum consiliũ
 & naturam imitari, maneat in suo
 errore. Bene quidem particularia fieri
 possunt habito arbore, cuius surculi
 varijs arboribus inseri possunt, sicut
 habita vna aqua variæ fortis carnes
 decoqui possunt in ea, & secundum
 car-

carnium diuersitatem iusculum saporem habebit , sed hoc ex eodem fundamento.

Concludimus itaque non esse nisi unicam naturam , tam in metallis quā in alijs rebus , sed diuersam eius operationem, vnam etiam vniuersalem materiam secūdam Hermetem, (sic ab hac vna re omnes res natę fiūt) Multi tamen sunt artifices, quorum quilibet sequitur suum cerebrū; quærunt nouam naturā, nouam materiā, propterea etiam inueniunt nouum recensque nihil, quia non ad possibilitatem naturæ, sed ad syllabā scripta Philosophorum interpretantur. Sed hi omnes sunt ex illis comitijs , de quibus in Dialogo Mercurij cum Alchimista scriptum est, qui sine cōclusionē domum redeunt; nō solū absq; medio, verum & sine principio finem quærunt, & hoc inde fit quod non ex fundamentis vel lectione librorum Philos. sed ex auditu & receptis circūforaneis artem assequi conātur; (licet iam lib. Phil. ab inuidis fortasse desolati sunt , in multis locis addunt vel supprimunt) postea cum illis non

E

suc-

succedit, ad Sophisticationes conuertuntur, & tentant mira opera vana, dealbando, rubificando, lunam fixando, animā auri extrahendo, quod in Præfatione libelli 12. Tractatum hoc fieri posse satis negatum est. Non quidem negamus, imò omninò esse necessarium dicimus, animā metallicam extrahi debere, sed nō ad Sophisticam operationē, sed ad opus Philo. qua extracta & purgata, iterū corpori suo reddi debet, vt fiat resurrectio vera corporis glorificati. Nunquā hoc nostrum propositum fuit, sine grano tritici triticū multiplicare posse, sed vt illa anima extracta aliquod aliud metallum Sophistico modo tingere possit, falsissimum esse scias, omnesq; qui de hoc gloriantur falsarios esse, sed ista in tertio principio de Sale copiosius, cum hic non est locus extendere calamus.

DE SVLPHURE.

INter tria Principia *Sulphur* meritò Philosophi primo loco posuerūt, sicut dignissimum Principium, in cuius

ius præparatione rota scientia latet. Triplex enim sulphur est, & inter alia eligendum: Sulphur *tingens*, seu *colorās*: Sulphur *congelans* *Mercurium*: Tertiū est *essentiale maturans*. De quo quidem seriō tractare debuimus; sed quia per Dialogum vnum Principiorū edidimus, ita & alia finire cogimur, ne alicui illorū iniuriā inferre videamur. Sulphur maturius est ceteris Principijs & Mercurius non coagulatur nisi sulphure: ergo totalis nostra operatio in hac arte non est, nisi vt sciamus ex metallis sulphure elicere, quo in visceribus terræ argērum vinum nostrum in aurum & argentum congelatur: quo quidem sulphur in hoc Opere loco masculi, ideō dignius habetur; Mercurius verò loco fæminæ. Ex horum duorum composiro & actu generantur Mercurij Philosophorum.

Descripsimus in *Dialogo Mercurij cum Alchimista* congregationem illā Alchimistarum, vbi consultabant, ex qua materia & quomodo faciendus sit Lapis Philosophicus. Scriptum est etiā, quomodo tempestatis infortunio sine Conclusionē ferē in vniversū

+ Subtile
mediocrē
fixatum

in 12. Tr. p. 82

Orbem dispersi sunt. Surrexit enim tempestas valida ventusq; maximus, qui illos huc illuc dispersit, & aliquorum capita ita perflauit, vt ad hoc vſque tempus sese nondum recolligere possunt, vnde in illorū cerebris variæ fortis muscæ generantur. Erāt autem inter illos variarum nationum ac cōditionum homines, inter quos fuit etiam hic Alchimista, de quo in hoc Tractatu sermonem instituiamus: erat aliās vir bonus, sed sine Conclusionē ex numero horum, qui casualiter *Lapidem Phil.* inuenire proponunt: & erat socius illius Phil. qui cū Mercurio certabat: hic verò dicebat, si mihi ita accidisset cum Mercurio loqui, paucis verbis illū expiscatus fuissē: stultus iste alter (inquit) nesciuit cum illo procedere. Mihi quidem nunquam Mercurius placuit, nec credo in illo aliquid boni esse: at Sulphur mihi probatur, quia in illis Comitijis optimē de illo disputauimus, si non illa tempestas nos disturbāset, primam materiam id esse cōclusissemus: quoniam in meo capite non solent esse res leues, caput meum plenum est pro
funda-

fundarum imaginationum: sicque confirmatus, instituit in sulphure laborare. Incepit itaque illud distillare, sublimare, calcinare, frixare, oleum per campanam ex illo facere, tum per se, tum cum crystallis, corticibus uorum, & alios multos labores in illo expertus est, cumque multum tēporis & sumptuum consumpsisset, & nihil ad propositum inuenire potuit, tristis fuit miser, multas noctes duxit insomnes, exibat etiam sæpenuerò extra urbem ad speculandum, ut eò cōmodius aliquid certi in suo labore excogitare posset. Accidit autē quadā vice, cum ira ferè in extasi speculando deambulare, peruenit ad quoddam nemus viridissimum, omniūq; rerū refertissimum; in quo erant omnium minerarum & metallorum fodinæ, omniumq; animalium & auium genera, omnium arborum, herbarum, & fructuum copia: ibi etiam erant varij aquæductus: quoniam illis in locis aqua non habebatur, nisi quæ per varia instrumēta & canales trahebatur; & hoc per varios artifices ex varijs locis: præcipua fuit illa, clariorque cete-

ris, quæ à radijs Lunæ trahebatur; & hæc nō nisi pro Nympha nemoris illius procurabatur: ibi etiā pascēbātur tauri & arietes, & pastores erant duo iuuenes, quos Alchimista interrogās: Cuius, inquit, est hæc sylua? cui responderunt: Est nemus & hortus nostræ Nymphæ Veneris. Alchimista huc illic inambulabat. Placuit illi quidem loc⁹, sed ille tamē sēper de suo sulphure cogitabat, atq; ita ambulādo fessus, miser cōsedit ad latus canalis, sub quadam arbore, & cæpit miserrimē lamētari, deplorādo tempus & sumptus in suo labore frustra impēsos (nō erat alias deceptorix facultatis, sed sibi ipsi nociuus) aitq;: Quid est hoc, oēs dicūt rem esse communem, vilem, facilem, & ego sum vir doctus, & hunc miserū lapidem non possum excogitare, sicq; lamentādo cæpit maledicere sulphuri q̄ in illo tot sumptus, tot labores frustra consūperit: & sulphur fuit etiā in illo nemore, sed in scio Alchimista: interim dū ita lamentaretur, audiuit vocē quasi alicuius senis: Amice cur ita lamētaris, cur maledicis sulphuri? Alchimista, circūspexit vbique nemi-

nem-

nemq; videns, perterrefactus est. *Vox:* aut illa iterum ait. Amice cur ita contristaris? *Alchim.* resumpto animo, Domine, inquit, Esuriens sēper de pane, ita ego semper de Lapide Philo. cogito. *Vox:* Et quare maledicis sulphuri? *Alch.* Domine credidi illud esse primam materiam Lapidis Phil. ideò in illo laborādo per aliquot annos multa consūpsi, & nō potui istū Lapidem inuenire. *Vox:* Amice ego quidem sulphur noui verum & principale subiectū Lapidis Phil. sed te nō nosco, neq; de tuo labore & proposito quicquam scio. Iniuste maledicis sulphuri: quia illud est in durissimis carceribus, non potest vnicuiq; adesse; quādoquidem hic ligatis pedibus, in tenebrosissimo carcere positum est, nec egreditur, nisi quò illud deportant custodes eius. *Alch.* Et quare est incarceratum? *Vox:* Quia omnib. Alchimistis obediēs esse voluit, & facere quicquid ipsi volebāt, contra voluntatem matris suæ, quæ illi interdixerat, vt solum modò us, qui illam nouerunt, obediret, propterea tradidit illud in carceres, & iussit ligare pedes eius, custodesque

E 4

con-

constituit illi, ut sine illorum scitu & voluntate, nusquam ire possit. *Alch.* O miser, propterea & mihi nō potuit succurrere: certē mater eius facit illi magnam iniuriam: & quando dimittetur ex istis carceribus? *Vox:* O Amice, Sulphur Phil. non potest hinc exire, nisi longissimo tempore, & cum gravissimo labore. *Alch.* Domine, & qui sunt custodes eius, qui illū custodiūt? *Vox:* Amice, custodes eius sunt eiusdē generis, sed tyranni. *Alch.* Domine, & tu quis es, & quomodo vocaris? *Vox:* Ego sum Iudex & Præfectus carcerū, & nomen mihi Saturnus. *Alch.* Ergo in tuis carceribus Sulphur detinetur? *Vox:* In meis quidē carcerib⁹ Sulphur detinetur, sed habet alios custodes. *Alch.* Et quid facit in carceribus? *Vox:* Laborat quicquid eius custodes volunt. *Alch.* Et quid scit laborare? *Vox:* Illud est mille artifex, & est cor omnium rerum; scit emendare metalla, mineras corrigit, animalia intellectū docet; scit facere omnia genera florū in herbis & arboribus, atq; illis omnibus præest; corrumpit aerem, quem iterum emendat; est omnium odorū in

in Mundo artifex, omniumque colorum pictor. *Alch.* Ex qua materia facit flores? *Vox:* Custodes dant materiam & vasa, Sulphur verò digerit, & secundum digestionis varietatem & pōdus, varios flores & odores facit. *Alch.* Domine, estne senex? *Vox:* Amice, scito quòd Sulphur est virtus omnium rerum, & est secundus natus, sed senior omnibus: fortis, & dignior: sed puer obediens. *Alch.* Domine, quomodo cognoscitur? *Vox:* Miris modis, sed optimè per rationem vitalem in animalibus, per colorem in metallis, per odorē in vegetabilibus: sine illo mater eius nihil operatur. *Alch.* Estne solus hæres, vel si habet fratres? *Vox:* Amice vnicum tantum eiusmodi filiū mater eius habet, fratres eius alij, sunt malis associati; sororem habet, quam amat, & ab illa amatur vicissim, nam illi est sicut mater. *Alch.* Domine, vniformis ne est vbique? *Vox:* Quò ad naturam eius vniformis, sed in carcēribus mutatur: cor eius tamen semper purum est, sed vestimenta eius maculata sunt. *Alch.* Domine, fuitne etiā aliquando liber? *Vox:* Maximè fuit.

E s

præ-

præsertim illis temporibus, quando fuerunt illi viri sapientes, quib. cum matre eius magna amicitia intercedebat. *Alch.* Et qui fuerunt isti? *Vox:* Innumerabiles fuerunt. Fuit *Hermes*, qui cum matre eius vnum erat: post ipsū fuerunt multi Reges, ac Principes, nec non multialij sapientes, utpote hisce seculis. *Aristoteles*, *Auicenna*, &c. qui illud liberarunt: hi enim eius ligaturas dissolueresciuerūt. *Alch.* Domine, quid eis dedit pro deliberatione? *Vox:* Dedit illis tria Regna: nam quando illud aliquis dissoluit, & liberat, tunc illud custodes suos (qui modo in suo Regno gubernant) vincit, & ligatos huic, qui illud liberat in subditos tradit, ac eorum Regna in possessionem dat: sed quod maius est, in Regno eius est *speculum* in quo totus Mundus videtur: Quicunq; in hoc speculū inspicit, tres partes sapientiæ totius Mundi in illo videre & addiscere potest: atq; ita sapiētissim⁹ in hisce tribus Regnis euadet: quales *Aristoteles* & *Auicenna* fuerūt & alij multi, qui, sicut & cæteri antecessores, in hoc speculo viderūt, quomodo & Mundus creatus est: ex illo

illo didicerunt coelestium virtutum
influencias in inferiora, & quomodo
Natura per pondus ignis res cōponit:
tum etiam motum Solis & Lunæ, præ-
sertim verò motū illum vniuersalē,
quo mater eius gubernatur: ex illo
gradus caliditatis, frigiditatis, humi-
ditatis, & siccitatis, virtutesque herba-
rum ac omnium rerum cognouerūt;
vnde optimi Medici facti sūt. Et certè
nisi Medicus talis sit, vt sciat cur hæc
herba talis vel talis, cur in hoc gradu
calida, cur sicca, cur humida sit, non
ex libris Galeni, aut Auicennæ, sed ex
fonte Naturæ, vnde & illi ista habue-
runt, fundamentalis Medicus esse nō
potest. Ista omnia diligenter illi con-
siderârunt, & scripta sua successoribus
reliquerunt, vt homines ad altio-
ra studia allicerent, & discerent Sul-
phur liberare, atque sua vincula dis-
soluere: sed homines huius sæculi
scripta illorum iam pro finali funda-
mento habent, & vltèrius nō quærūt;
sufficitque illis quod sciant dicere,
sic Aristoteles sic Galenus scripse-
runt. *Alch.* Et quid dicis, mi Do-
mine, potestne herba absque
Her-

Herbario cognosci? *Vox:* Veteres illi Philosophi ex ipsomet Naturæ fonte sua recepta cōscripserunt. *Alch.* Quomodo, mi Domine? *Vox:* Scito, quod omnes res in terra, & super terram ex tribus Principijs generātur, & producuntur: aliquando duobus, quibus tamen tertiū adhæret: qui igitur nouit tria Principia, & pondus illorum, vt illa Natura coniungit, facilè ex decoctione gradum ignis in subiecto, an bene, aut malè, vel mediocriter coctū idq; secundū maius vel minus, intelligere poterit: nam cuncta vegetabilia ab his, qui tria Principia nouerunt, cognoscuntur. *Alch.* Et hoc quomodo? *Vox:* Ex visu, ex gustu, & odore; in his tribus sensibus concluduntur etiam tria Principia rerum, & gradus eorum decoctionis. *Alch.* Domine, dicunt quod Sulphure est Medicina. *Vox:* Imò & ipse Medicus est, & qui illum ex carceribus liberant, illis pro gratitudine & sanguinem suum in medicinam dat. *Alch.* Domine, habita vniuersali Medicina, quā diu homo potest se conseruare à morte? *Vox:* Vsque ad terminū mortis: cautè tamen

tamen hæc Medicina sumenda est: multi enim viri sapientes hac Medicina ante terminū interierunt. *Alch.* Et quid dicis, mi Domine, estne venenum? *Vox:* Nonne audiisti, quòd magna flamma ignis consumit parvam? multi erant Philosophi, qui ex aliorum doctrina artem habuerunt, qui non ita profundè virtutem Medicinæ scrutârunt; imò quò Medicina erat potentior, subtilior, eò sanior illis videbatur, & vnum granum eius multa millia metalli trāsmear, multò magis corpus humanum. *Alch.* Domine, quomodo ergo vti debet? *Vox:* Medicinam vti debuerunt, quæ calorem naturalem confortando nutriret, nō superaret. *Alch.* Domine, ego scio facere istam Medicinam. *Vox:* Beatus es, si scis. Sanguis enim Sulphuris est, illa intrinseca virtus & siccitas, conuertēs & congelans argentum viuum in aurum, tū etiam omnia metalla & corpora humana ad sanitatem. *Alch.* Domine, ego scio facere oleū Sulphuris, quod cum calcinatis crySTALLIS præparatur: scio & aliud per campanā sublimare. *Vox:* Certè tu etiam es Philos.

ex illis Comitibus: nam optimè mea dicta interpretaris, sic, ni fallor, & omnium Philosophorum. *Alch.* Domine, nonne est hoc oleum sanguis Sulphuris? *Vox:* O amice, sanguis Sulphuris non datur nisi his, qui illud sciunt ex carceribus liberare. *Alch.* Domine, scitne etià Sulphur aliquid in metallis? *Vox:* Dixi tibi, quòd omnia scit, & in metallis multo melius quàm alibi; sed custodes eius sciunt, quòd ibi facile liberari possit, propterea ibi in durissimis carceribus detentum custodiunt, ita ut & respirare non potest, timent enim, ne ad palatium Regis perueniat. *Alch.* Domine, in omnibusne metallis ita incarceratum est? *Vox.* In omnibus, sed non vniuniformiter, in aliquibus non ita strictè. *Alch.* Domine, & quare in metallis ita tyrannico more? *Vox.* Quia tunc nō amplius timeret illos, quando ad palatium suū Regale perueniret: iam enim potest videri, iam liberè ex fenestris prospicit; quoniam illic est, in proprio Regno, licet nō dū ita ut desiderat. *Alch.* Domine, & quid comedit? *Vox:* Cibus eius ventus est:
cūm

cū liber est, coctus; sed in carceribus cogitur comedere crudum. *Alch.* Domine, possint ne istæ inimicitia inter illud & custodes eius reconciliari?

Vox: Imò, si quis esset tam prudens.

Alch. Quare cum illis de pace non tractat?

Vox: Illud nō potest per seipsum: quia statim ira & furore excandescit.

Alch. Faciat hoc per aliquem commissarium.

Vox: Felicissimus hominū certè esset, & æterna memoria dignus, qui inter illos sciret pacem facere; sed hoc nō nisi vir sapientissimus, qui cum matre eius conueniret, & cointelligentiam habeat: nam si amici essent, vnus alterum nō impediret, sed coniunctis viribus facerēt res immortales. Certè qui illos recōciliaret, esset vir æternitati cōsecrādus. *Alch.*

Domine, Ego cōponam istas lites inter illos, & liberabo illud: sum aliās vir adeò doctus, sapiens, adhæc etiā sum bonus practicus præsertim vbi ad tractandum venit. *Vox:* Amice, video quidem quòd satis magnus, & cū magno capite sis, sed nescio num tu ista facere possis. *Alch.* Domine, fortassis tu ignoras, quid sciunt Al-

chy-

chymistę: quoad tractatus semper illi
sunt victores, & certè ego nō sum po-
stremus, modò inimici eius mecum
tractare velint: si tractabunt, esto secu-
rus, quòd causa cadēt. Domine, crede
mihi, Alchymistę sciunt tractare. Si
tātum mecū tractare velint, Sulphur
confestim liberabitur. *Vox*: Placet mi-
hi ingeniū, audi: O quòd probatus sis.
Alch. Domine, dic adhuc mihi, si hoc
est verum Sulphur Philos. *Vox*: Hoc
quidem est Sulphur, sed si Philoso-
phorum est, tuum est scire. Satis ego
tibi de Sulphure dixi. *Alch*. Domine si
etiam eius carceres inueniam, an eū
liberare potero? *Vox*: Si scies, optimè
poteris; facilius est enim illud libera-
re quā inuenire. *Alch*. Domine rogo
dic adhuc mihi si illud inuenero, fa-
ciamne ex illo lapidem Philosop. *Vox*.
O amice non est meum diuinare, tu
ipse videto: attamen si matrem eius
noueris, illā secutus fueris, sulphure
soluta lapis in prōptu erit. *Alch*. Do-
mine in quo subiecto est hoc sul-
phur? *Vox*. Scito pro certo quod hoc
sulphur est magnę virtutis: minera
eius sunt omnes res mundi, est enim
in

in metallis, herbis, arboribus, anima-
libus, lapidibus mineris. *Alch.* Et quis
diabolus inter tot res & subiecta illū
latētem inuenire potest? Dic tu mihi
materiam, ex qua illum Philosophi
accipiunt. *Vox:* Amice nimis propē
accedis, attamē vt tibi satisfaciā, scito
sulphur vbiq; esse, sed habet quædam
palatia vbi solet Philos. audientiā da-
re; sed Philosophi illud in mari suo
natans & cū Vulcano ludens adorāt,
quādo illud vilissimo vestitu incogni-
tum Philosophi accedunt. *Alch.* Do-
mine in mari illud quærere non est
meum, cum hic propinquius est ab-
sconditum. *Vox:* Dixi tibi q̄ custodes
eius illud in carceribus tenebrosissi-
mis posuerunt, ne illud videre possis,
est. n. in vno solo subiecto; sed si illud
domi non inuenisti, vix in syluis in-
uenies. Ne aut desperes in inquirendo
illo, tibi sacrosanctē dico, illud in au-
ro & argēto esse p̄fectissimū, sed in ar-
gento viuo facilissimū. *Alch.* Domine
libenti animo facerē lapidē Phil. *Vox.*
Rē bonā desideras, sulphur quoq; li-
bēter dissolueretur, & sic Saturn' dis-
cessit. Alchimistam verò fessū grauis

F

sopor

sopor inuasit, & apparuit illi visio talis. Vidit in illo nemore fontem aquæ plenum, circa quē deambulabant Salcū sulphure inter se altercādo, donec vltimò ceperūt pugnare, & intulit sal sulphuri vulnus incurabile, ex quo vulnere loco sanguinis aqua quasi lac cādīdissimū effluxit, ac in magnū flumē creuit. Tūc ex illo nemore egressa est Diana virgo pulcherrima, quæ cepit lauari in flumine illo; quam dum transiens Princeps quidam vir fortissim⁹ (& maior suis seruatoribus) videret, cepit admirari ei⁹ pulchritudinē, quodq; esset naturæ sibi similis, & eius amore captus est: quod cum illa videret, vicissim eius amore exarsit; quam obrem quasi in animi deliquiū cadēs, cepit mergi; quod vidēs Princeps ille, mandauit suis seruatoribus vt illā adiuuarent: sed oēs timuerunt accedere ad flumen. ad quos Princeps ille, quare (inquit) nō adiuuatis Dianā virginē? cui responderunt, Domine hoc flumē est quidem paruum quasi exsiccatum, sed periculosissimum. Quadam vice absque tuo scitu voluimus hoc tranare, & vix à periculo æternæ mortis euasi-

uasimus; scimus etiam quod & alij nostri antecessores hic perierunt. Tunc Princeps ille deposito suo pallio grosso, ita vt erat armatus in flumen profiliit, vt opem ferret Dianę pulcherri-
mæ, porrexitq; illi manum, quę volēs se saluare, ipsum etiam Principem ad se traxit, atque ambo submersi sunt. Paulò post animę illorum ex flumine illo exiuerūt, volitantes supra flumē, aiuntque, optimè nobiscum actū est, aliter enim ab hisce corporibus liberari non potuissimus, quæ polluta & maculata erant. *Alch.* interrogans ait: reuertimini aliquando in illa corpora? *Animæ.* Nō in tam polluta, sed quādo purgabuntur & hoc flumen exsic-
cabitur per calorem solis, & prouincia hæc sæpius per aerem examinata fue-
rit. *Alch.* Interim quid facietis? *Animæ.* Hic supra flumen volitabimus donec istæ nebulæ & tempestates cessent. In-
terim Alchymista in magis optatum somnium de suo sulphure incidit, & ecce apparent illi & venerunt in illū locum multi Alchymistæ quæsitum etiā sulphur: quod cū apud illum fō-
tem à sale occisum cadauer inuene-

runt, illud inter se diuiserunt: quod Alchymista videns, etiam partem accepit, & sic quilibet illorū domum reuersi sunt, ceperuntq; in illo sulphure laborare, & hucusque non cessant; huic verò Alchymistæ Saturnus occurrit & ait: Amice, quomodo se res habēt? *Alch.* O Domine multa mirabilia vidi, vix vxor mea credet ista; iā etiam inueni sulphur, rogo te mi Domine adiuua me faciamus istum lapidē. *Saturnus* Libenter mi amice. Præpara ergo argentum viuū & sulphur & vitrum huc da. *Alch.* Domine noli habere negotium cum Mercurio, quia est nequam, delusit socium meum & alios multos. *Satur.* Absque argento viuo in cuius regno sulphur iā Rex est, Philosophi nihil fecerunt, nec ego aliter scio. *Alch.* Domine faciamus ex solo sulphure. *Satur.* Benè mi amice, sed ita succedet sicut iubes. Acceperunt itaque sulphur illud quod Alchymista inuenit, & fecerunt sicut voluit Alchymista, ceperuntque laborare miris modis illud sulphur, tractare in fornaculis mirabilibus, quas plures Alchymista habuit:

buit: sed semper in fine ex quolibet labore euenerunt illis candelulæ, quas vetulæ ad accendendum ignem vulgò vendunt. De nouo inceperunt, & sulphur sublimarunt, calcinarunt, sicut Alchymistæ placuit; sed utcunq; fecerunt, illis semper in fine vt prius euenit: nam quicquid ex illo sulphure Alchymista voluit, semper candelula fuit, & ait ad Saturnum, verè Domine, video quod iuxta meam phantasiam non vult succedere, rogo te factu solus sicut scis. Tunc Saturnus ait, vide ergo & disce. Accepit itaque duo argenta viua diuersæ substantiæ, sed vnius radicis, quæ Saturnus lauit vrina sua, & vocauit illa sulphura de sulphuribus, & commiscuit fixum cum volatili, facta cōpositione in vas debitum posuit, & ne sulphur aufugeret, custodem supposuit, & sic postea in balneum ignis lentissimi (vt materia requirebat) posuit, & omnia optimè fecit. Fecerūt itaque lapidem Philosophicum, quia ex debita materia, non nisi debitum opus euenit. Alchymista gaudis valdè, accepit lapidem

E 3

cum

cum vitro, colorem eius qui erat tanquam sanguis combustus considerās admirabatur, & præ nimia lætitia cœpit saltare, in quo saltu elapsus est illi è manibus vitrum in terram & fractum est, sicque Saturnus euauit. Alchymista quoq; è somnis experrefactus, nihil præter illas candelulas quas fecerat ex sulphure, in manibus inuenit. lapis verò auolauit, & hucusque volat. vnde volatilis dicitur, & sic miser ille Alchymista nihil aliud didicit ex illa visione, quam candelulas sulphureas facere, qui postea relicto lapide cœpit esse Medicus, inquirendo lapidem Philosophicum, lapidem renum acquisiuit. Ultimò duxit vitam vt solent eiusmodi Alchymistæ, plerumq; fiunt medici aut smegmatistæ, quod omnibus eueniet, qui sine fundamento ex auditu aut receptis casualiter per dialecticam ad artem accedunt. Aliqui postea cum illis nō succedit, dicunt: viri sapientes sumus, gramen crescere audimus, si ars vera esset nos præ cæteris habuissemus, & sic pudore vestiti, ne habeantur pro indignis, (sicuti sunt imò & duræ ceruicis)

uicis) contra artem cuculant. Tales hæc scientia odit, ac illis semper in fine principium ostendit. Nos autem indignis hanc artem nihil esse concedimus, virtutis amatoribus verò & veris indagatoribus filijsq; doctrinæ, summoperè illam commendamus, veramque esse & omninò verissimā affirmamus, quam aliquoties coram viris eo spectaculo dignis, magnæ & infimæ conditionis hominibus re ipsa comprobauimus. Non tamen nostris manibus hæc medicina fuit facta sed ab amico talia accepimus, verissima tamen, ad quam indagandam satis inquisitores informauimus; quibus si scripta nostra nō placent, aliorum Autorum leuiores legant, hæc tamen cū cautela, vt quicquid legerint semper ad possibilitatem naturæ conferant, nec tentent aliquid contra naturam, nec credant etiā si esset scriptū in lib. Philosophorum, quod ignis nō vrit, quia hoc est, contra naturam: sed si scribitur ignem exsiccandi, calefaciendi vim habere, hoc cum naturaliter fit, credendum est; natura enim semper cum sano intellectu cōuenit,

& in natura nihil difficile, omnisque
veritas simplex est. Tum etiam discant
cognoscere, quæ res in natura sunt
sibi propinquiores, quod per scripta
nostra facilius quam per alia fieri exi-
stimamus, cum satis scripsisse puta-
mus, donec aliquis alius veniat qui to-
tam receptam, sicut ex lacte conficere
caseum conscribat, quod nobis non li-
cet. Sed ne omnia in incipientes ver-
tamus, vobis quoque qui iam has tran-
sistis ærumnas aliquid dicemus. Vi-
distisne regionem illam ubi vir suam sibi
perduxit uxorem, quorum nuptiæ in
domo naturæ celebratæ sunt? Intelle-
xistis quomodo hoc sulphur vobiscum
vulgus vidit? Si igitur vultis ut vestram
Philosophiam vetulæ exerceant, mon-
strate horum sulphurum dealbatio-
nem. Vulgo dicite: venite & videte, iam
enim diuisa est aqua & sulphur exiit:
redibit candidum, & congelabit aquas.
Comburite ergo sulphur à sulphu-
re incombustibili, & lauate, dealbate,
rubificate, donec sulphur fiat Mercu-
rius, ac Mercurius fiat sulphur, quod
postea anima auri ornabitis. Nam
si non sublimabitis sulphur à sulphu-
re,

DE SVLPHVRE. 80

re, & Mercurium à Mercurio nondū
aquam inuenistis, quæ ex sulphure &
Mercurio quinta essentia creatur &
distillatur, non ascendet, qui non de-
scendit. Quidquid in hac arte est no-
tabile in præparatione, amittitur à
multis, sulphure enim acuitur Mer-
curius noster, alias non prodesset.
Princeps sine populo miser: hic Al-
chymista sine sulphure & Mercurio.
Si me intellexistis dixi. Alchymista
postea domum reuersus, lapidem a-
missum deplorabat, & maximè con-
dolebat, quod Saturnum non inter-
rogauerit, quale Sal hoc fuerit,
cum tot varia genera salium
reperiantur; cætera v-
xori dixit.

F s

Com

Conclusio.

OMnis inquisitor huius artis, debet in primis maturo iudicio quatuor elementorum creationem operationem & virtutes cum suis actibus examinare; si enim horum originem & naturam ignorat, ad cognitionem principiorum non perveniet, nec materiam veram lapidis cognoscet, multò minus finem bonum assequetur; quoniam omnis finis supra suum principium terminatur. Qui bene scit quid incipit, benè sciet quod finiet. Origo enim elementorū est chaos, ex quo Deus conditor rerum creavit & separavit elementa, quod solius Dei est. Ex elementis verò natura producit principia rerū, & hoc per velle Dei solius naturæ est. Ex principiis postea natura mineras producit & omnia, ex quibus etiam artifex imitando naturam, multa mirabilia potest, quoniam natura ex his principiis quæ sunt Sal, Sulphur & Mercurius, mineras ac metalla & omnia genera rerum producit; & non producit simpliciter ex elem. metallū, sed per principia quæ sunt medium inter elemēta & metalla: Ergo si natura ista non facit, multò minus ars poterit; & non solum in hoc exēplo, verum in omni processu naturali dispositio media observanda est, propterea hic in hoc tractatu & elementa ipsa, & illorum actus & operationem, tum & principiorum originem satis copiosè descripsimus, (quod hucusque nullus Philos. clariora dedit) ut inquisitor bonus facilius considerare possit, in quo gradu lapis à metallis, & metalla ab element. distant. Non pro-

N^a = f. saltim

propterea tamen tractatū hunc conscripsimus, ut antiquos Philosophos redarguere velimus, sed potius eorum scripta confirmaremus, & aliqua quæ omiserūt adimpleremus; cū & Philo. homines sunt, non omnia ita ad amussim possunt, nec vnus de omnibus sufficienter potest. Aliquos etiam miracula à via lineari naturæ seduxerunt, ut in Alb. Magno viro & Philosopho sagacissimo accidisse legimus, qui scripsit temporibus suis grana aurea inter dētes demortui in sepulcro inuenta esse. Huius miraculi rationem certam non potuit inuestigare, sed hoc *virtuti* minerali in homine adiudicauit, & super hanc opinionem cecidit illi confirmatio dicti Morienis, & hæc materia Rex à te extrahitur. Sed hoc erroneum est, nā & Morienus Philosophicè ista intelligere voluit. Virtus enim mineralis in suo regno locata est, sicut & animalis in suo regno, ut in libello 12. Tractatū ista regna distinximus & in tria regna diuisimus, quia quodlibet horum absq; ingressu extraneo in semetipso stat & multiplicatur. Verum quidē est in regno animali esse & Mercurium sicut materiam, & sulphur sicut virtutem; sed animalē nō mineralem. Vis sulphuris animalis si nō fuisset in homine, non congelaret sanguinem Mercurius in carnem & ossa: sic etiam si non esset vis sulphuris vegetabilis in regno vegetabili, non congelaret aquam, seu Mercurium vegetabilē in herbas & arbores. Sic quoq; in regno minerali intelligendum est. Nō differunt quidem hi tres Mercurij in virtute, nec illa tria sulphura, quia quodlibet sulphur habet vim naturalem Mercurium suum coagulare; & quilibet Mercurius

curius habet vim à proprio sulphure coagula-
 re; sed non ab extraneo. Cur autem aurū inter-
 dentes demortui inuentum vel generatum est,
 hæc est ratio, quod in vita demortui per aliquē
 Medicum Mercurius in corpus illud infirmum
 introductus est, vel per vnctionē, vel per tur-
 bit, vel per alium modum, vt moris & vsus est,
 & natura Mercurij est ad os patientis ascēdere,
 & per vulnera oris cum phlegmate euacuari. Si
 igitur in eiusmodi cura infirmus obiit, is Mer-
 curius non habens egressum, in ore intra dētes
 remansit, & factum est cadauer illud in vas na-
 turale Mercurij; sic per longum tempus occlu-
 sus, sulphure proprio in aurum congelatus est
 calore naturali putrefactionis à phlegmate
 corrosiuo Corporis humani purificatus; sed si i-
 bi Mercurius mineralis introductus non esset,
 nunquā aurū produceretur; Et hoc est exemplū
 verissimum; quod natura in visceribus terræ ex
 solo Mercurio producit aurum & argentum,
 ac alia metalla secundum dispositionem loci
 vel matricis. Quoniā Mercurius habet in se suū
 proprium sulphur quo coagulatur in aurū nisi
 impediatur ab accidente, vel non habeat calo-
 rem requirentem, vel locum occlusum. Non
 ergo vis sulphuris animalis cōgelat Mercuriū
 in aurum sed in carnem; si enim talis virtus in
 homine esset, in omnibus hoc eueniret corpo-
 ribus, quod non est. Talia multa miracula &
 accidentia eueniunt, quæ non benè considerata
 à Scriptoribus, errores lectoribus inferunt;
 Inquisitor tamen bonus omnia ad possibilita-
 tem naturæ applicare debet; Si cum natura nō
 conueniunt, omittenda sunt; differentia enim
 est

est inter aurum & aquam, sed minor inter
 aquam & Mercurium, minima inter aurum
 & Mercurium: nam domus auri Mercurius est;
 & domus Mercurij est aqua; sulphur autem est
coagulum Mercurij, quod quidem sulphur dif-
 ficilimè præparatur, sed difficilius inuestiga-
 tur, quoniam in sulphure Philosophorum totū
 hoc arcanum latet, quod etiā in penetralibus
 Mercurij continetur, de cuius præparatione
 (sine qua inutile est) dabimus aliquādo in ter-
 tio principiorum de sale, cum hic virtutem &
 originem praxim sulphuris tractamus.

Sufficit diligenti Studioso originē Principio-
 rū hic accepisse, cū incognito principio, finis
 sēper dubius, de quibus nos in hoc tractatu nō
 ænigmaticè, sed clariori sermone quo potui-
 mus & nobis licet, inquisitorem allocuti su-
 mus: per quem si alicui Deus mentem illumi-
 nabit, sciet quid successor suis autecessoribus
 debeat, cū hac scientia semper per eiusmodi
 ingenia acquiritur, quam nos post eiusmodi
 claram ostensionem in sinum Dei Altissimi
 Creatoris ac Domini nostri reponimus, & nos
 ipsos vna cum bonis Lectoribus in gratiam &
 immensam misericordiam commenda-

mus. Cui sit laus & gloria per
 infinita sæcula sæ-
 culorum.



FINIS.

veritatis.

p. mem:

pag. 5. hujus tract. citat ex promit.
lit. Author. alium tractatum de tertio
ppio: scil: O. quem vide, in appendice ad
duos tract.: Joannis de Monte Snyder.
ist. tractus gedruckt zu Amsterdam 1656.

promis
e lectio
dia ad
pder.
1656.

